

摘藻堂四庫全書薈要

子部

欽定四庫全書薈要卷一萬一千七百九十六

子部

御定淵鑑類函卷三百四十八

居處部九

解署
驛 閭里 館

解署一

增山堂肆考曰周禮以八法治官府釋之者曰百官所居曰府此則官解之說也 左傳疏曰自漢以來三公所居謂之府九卿所居謂之寺 宋史曰元豐初建東西二府於右掖門之前每府相對謂之八位 續世說

曰近代通謂府廷爲公衙即古之公朝也天子御正朝
名曰正衙 王沂公上契丹事曰燕京南門外有越王
解爲宴集之所 石林燕語曰國初京師職事皆無公
解雖宰相執政亦僦舍而居每遇出省或有中批外奏
急速文字則省吏徧持私第呈押旣覺稽遲又多泄漏
瑣綴錄曰翰林直房在右闕門內錦衣衛直房之次
凡三間每早朝諸閣老分坐北楹諸學士居中楹其
餘居南楹俟門吏報三鼓乃俱赴左掖門 國史唯疑

曰端門左有直房五間係坊局官候朝公會及收貯卷箱之所 又曰凡係東宮官屬侍班講讀亦於此伺候
廨署二

增漢書曰何並性清廉爲潁川太守妻子不至官舍

水經注曰光武建武二年西河鮮于冀爲清河太守作公廨未就而亡後守趙高計功用二百萬五官黃秉功曹劉適言四百萬錢於是冀乃鬼見白日道從入府與高及秉等對共計校定爲適秉所割匿冀乃書表自理

其畧言高貴不尚節畝壟之夫而箕踞遺類研密失機
婢妾其性媚世求顯偷竊銀艾鄙辱天官易譏負乘誠
高之謂臣不勝鬼言謹因千里驛聞付高上之便西北
去三十里車馬皆滅不復見秉等皆伏地物故高以狀
聞詔下還冀西河田宅妻子焉兼爲差代以旌幽中之
訟世說新語曰王導治揚州廨舍按行而言曰我正
爲次道治此爾何少爲王公所重故屢發此歎晉書
曰羊祜都督荊州時長吏喪官後人惡之多毀壞舊府

祐以死生有命非由居室書下征鎮普加禁斷 又曰
杜預爲秦州刺史石鑒奏預擅飾城門官舍稽乏軍興
遣御史檻車徵詣廷尉以預尚主在八議以候贖論

幽明錄曰桓恭爲桓石民參軍在丹徒所住廨牀前有
一小陷穴詳視是古墓桓食常先以鮭鮓投穴中如此
經年後眠始覺見一人在牀前云吾終沒以來七百餘
年後絕嗣滅蒸嘗欲寄君恒食見播及感德無已依君
籍當爲寧州刺史後果如其言 南史曰傅昭爲安成

內史郡自宋來兵亂相接府舍稱凶每昏旦間人鬼相觸在任者鮮以吉終及昭至有人夜見甲兵出曰傳公善人不可侵犯乃騰空而去有頃風雨忽至飄郡聽事入隍中自是郡遂無患 又曰蔡凝字子居爲中書侍郎遷晉陽太守及將至郡更令左右修中書解字曰庶來者無勞 舊唐書曰房琯開元中歷慈谿宋城濟源縣令所在爲政多典利除害繕理解字頗著能名 又曰李聽起爲邠寧節度使邠州衙廳相傳不利葺修以

致隳壞聽曰帥臣鑿凶門而出豈有徇於巫祝而隳公署邪遂命葺之卒無異變

解署三

原飾官舍 毀舊府

上下俱詳前二

不入 始至

上詳前二叔孫雖

一日必葺其牆

伐樹織葦

繕圃葺舍

晉羅含字君章爲相州別

屋去之如始至

駕以才學知名以解舍喧擾自於城西小湖安茅屋伐

樹爲牀織葦爲席而居

吳陸抗與諸葛恪換宅抗臨

去繕完城圃葺其牆屋

增官府

公衙

上詳解署一下詳解署

廬舍恪不然深以爲恥

二

府寺 官舍

上詳解署一下詳解署二

九棘三槐

二府

八位

周禮朝士掌建邦外朝之法左九棘孤卿大夫位焉羣士在其後右九棘公侯伯子男位焉羣吏在

其後面三槐三公位焉州長衆庶在其後左嘉

石平罷民焉右肺石達窮民焉

下詳解署一

鮭飭

投穴

弓矢向守

上詳解署二

南史蕭惠明泰始初爲吳興太守郡界有卞山山下有項

羽廟相承云羽多居郡廳事前後太守不敢上廳惠謂網紀曰孔季恭曾爲此郡未聞有災遂命盛設筵榻接賓數日見一人長丈餘張弓挾矢向

蕭惠明既而不見因發背旬日而卒

避正堂

虛正

寢

漢惠帝元年曹參爲齊相齊悼王富於春秋參盡召長老諸先生問所以安集百姓齊故諸儒以百數言

人人殊參未知所定聞膠西有益公善治黃老言使人厚幣請之益公至爲言治道貴清淨而民自定參於是避正堂舍蓋焉揮麈錄曰微仲當軸兄大中自陝漕人朝微仲虛正寢以待之大中辭微仲云界以中雷即

私家也時安厚卿在政府父日華尚康寧厚卿
夫婦晏然居東序時人以此別二公之賢否

崔集

烏棲

漢黃霸爲相京兆尹張敞舍鵲雀集丞
相府遂以爲神雀 下見御史大夫

官舍

得狸廳事鳴蛩

晉樂廣爲河南尹官舍多怪前尹遂
不敢居之廣後穿壁得狸殺之怪遂

絕雞跣集河中府有綠莎廳事唐治平中好事者常
加澆溉王禹偁送柴諫議任河中府詩綠莎廳事舊鳴

蛩

解舍喧攘廳事華侈

上即羅舍事見前 五代
王浚起解事極其華侈邀

太祖臨幸
賜予甚厚

不徙官解立成公宇

梁呂僧珍居廣陵
後爲本州刺史舊

宅在市北前有督郵解鄉人咸勸徙解以益宅僧珍怒
曰豈可徙官解以益私宅乎 宋寇萊公謫道州司馬

素無公宇百姓聞之競荷瓦木不督而會公宇
立成頗亦宏麗守土者聞於朝遂有海康之命

越王

廨

烏珠宮

上王沂公上拜丹事瀛洲道古錄曰元時翰林院以金烏珠第爲之歐陽楚公詩

翰林老屋勢深雄猶是金家烏珠宮

直房

度閣

上詳廨署一宣宗實錄宣德十年置六

科度閣文章之所於承天門內

候朝公會

侍班講讀

上下俱詳廨署一

鑿池蒔蓮

參天蔽日

玉堂叢語柯潛旣綜院章就詞林後園結清風亭亭下鑿池蒔

蓮決渠引泉公退宴坐其中脩然若真登瀛洲者湧幢小品楊晉庵守隨掌翰林院之後有巨柳數章參天蔽日民之輸粟米者欲曝於庭患柳陰之翳也請伐其最鉅者公作賦示意

劉井

柯亭

翰林記曰劉井學士劉定之所浚在公署後堂之左柯亭學士柯潛所建在公署後堂之右前後二間凡八楹後堂有二柏亦潛所種

解署四

增詩宋楊萬里題太和主簿趙昌父官署詩曰西昌主簿如禪僧日餐秋菊嚼春冰西昌官舍如佛室一物也無惟有竹俸錢三月不曾支竹陰過午未晨炊大兒怒叫小兒啼乃翁對竹方哦詩 明高啟京師寓解詩曰誰言舊隱非靜里且相依綠樹城通苑青山寺對扉官閒休直早客久夢還稀是物春來興惟存舊賜衣 又曰久夜頻聽雨經春不見花蘼蕪青渚燕楊柳白門鴉

拙宦危機遠工吟僻性加閒坊車馬少不似住京華

又曰寂寞過芳時幽懷只自知袖無投相刺篋有寄僧
詩鼠跡塵凝帳蛙聲雨到池疎慵堪置散不敢怨名卑

袁袞齋宿院署詩曰壁薦崇元日郊禋戒百工泰壇

雲霧裏象輅羽儀中越席陳陽位玄端處法宮甘泉徒
欲賦文藻魏揚雄 李東陽齋居和舜咨侍讀院署見

寄詩曰綠槐庭館坐春風十九年前此興同未老身猶
書卷裏不眠人在漏聲中大鵬南去雲連海羣鳥西飛

月繞空燈火憶君連夕話不勝幽思滿齋宮

增記唐顧况宛陵公署記曰博陵崔公端憲臺出九江
涉吳換號三牧作仁聲上騰上褒之以宣歙等州團
練觀察採石軍使內建茂行外傳純德德鋪生人生人
受賜所部無事緝乎井屋高棟大廡樓傳高亭署以崇
牙虔君命也畧五千架坊墁赭堊燭乎一州竹頭木屑
皆適所用前鎮未之有也兵馬使南陽張伯陽承公指
揮應接不暇廣而不費華而中儉堡有嚴柝封有巨防

巢洞之寇化爲平民銅官戰馬牛渚姑熟之隘籠波洛
谷莫不帖焉 楊夔烏程縣修建廨宇記曰叔孫昭子

聘於晉晉受邾人之慙執昭子寘於箕使吏藩之昭子
不以拘爲意止之舍有壞必葺去之如始至故春秋賢
之今有受九重之命母百里之民凋瘵者繫之以綏訛
弊者藉之以移旣休於公宇覩其隳摧圯漏忍而不治
者無乃取譏於君子丹陽某公以再命尹於烏程降車
之期月察訟決獄之暇周視官署其門傾其廳欹其牆

圯其廡偃頽簷側楹倒移傾倚風雨罔庇寒暑是窘公
歎曰建之者何人壞之者何心旣叨守邑其敢不力自
懋以圖嗣修乎

館一

原說文曰館客舍也 周禮曰凡國野之道十里有廬

廬有飲食三十里有宿宿有路室路室有委五十里有
市市有候館候館有積以待朝聘之官也 又曰凡諸

侯入王則逆勞於畿及郊勞視館致餼

注曰謂以上卿之禮禮之

左傳曰圻人以時塋館宮室

注曰塋泥飾也

荊州圖副曰襄

陽縣南有桃林館是則餞行送歸之所萃也 增南部

新書曰荆南五花館待客之上地也故蔣元曰不是上

台憐姓氏五花賓館敢從容 郡國志曰台州仙石山

有館土人謂之黃公客堂 黃圖曰漢畿內千里並京

兆府治之內外宮館一百四十五所三輔四十五所郡

國宮館百四十五所 兩京記曰西京承天門第一鴻

臚寺次鴻臚客館 開元文字曰凡事之賓客館焉舍

也館有積以朝聘之官是也客舍逆旅名候館也公館也公宮與公所爲也私館者自卿大夫以下之家王沂公上契丹事曰燕京南門外有永平館舊名碣石館清和後易之又曰檀州五十里至金溝館將之館川原平曠謂之金溝淀國主嘗於此過冬自此入山詰屈登陟無復里堠但以馬行計日約其里數又曰古北口兩傍峻崖中有路僅容車軌口北有鋪設弓連繩本范陽防阮契丹之所最爲隘東出口度得勝嶺盤道數

層俗名思鄉嶺八十里至新館過雕窠嶺偏槍嶺四十

里至卧如來館使遼行程記曰自檀州北行八十里

又八十里爲虎北口館禁扁曰金以幽州爲中都汴

爲南京有會同館歸仁館同文館思華館粲文館來寧

館來同館懷德館肅儀館石湖集曰會同館燕山客

館也遼已有之又曰燕賓館燕山城外館也燕都

遊覽志曰四夷館在玉河橋之西又曰望京館在城

東北五十里孫侯村遼建爲河北使臣宿昔餞飲之所

館二

原左傳曰子產相鄭伯如晉以魯喪未見子產盡壞其館垣以納車馬士文伯讓之曰繕垣葺牆以待賓客今吾子壞之其若異客何子產曰諸侯舍於隸人門不容車而不可踰越賓見無時命不可知請執事將何所命若獲薦幣修垣而行君之惠也趙簡子曰信我實不德而以隸人之垣以羸諸侯是我罪也使士文伯謝不敏晉侯見鄭伯有加禮厚其宴好而歸之乃築諸侯之館

又曰秦伯改館晉侯饋七牢焉 增又曰楚令尹子

元欲蠱文夫人爲館於其側而振萬焉 又曰晉分曹

衛之田公使臧文仲往宿於重館重館人曰晉新得諸
侯必親其恭不速行將無及也 又曰叔孫所館雖一

日必葺其牆屋去之如始至 禮記曰孔子之衛遇舊

館人之喪使子貢脫驂而賻之子貢曰於門人之喪未

有所脫驂脫驂於舊館無乃已重乎 原戰國策曰燕

昭王見郭隗曰齊因孤國之亂而襲破燕隗曰帝者與

師處王者與友處古者人君以千金求千里馬涓人得
千里馬已死買其骨返以報君大怒對曰死馬尚市况
生馬乎暮年千里馬至者三王欲士先從隗隗且見事
况賢於隗者乎乃築館而師之樂毅鄒衍劇辛皆爭走
燕遂以破齊 增郊祀志曰武帝七年上幸雍郊見五
畤上求神君舍之上林中硯氏館 黃圖曰河間獻王
德築日華宮置客館二十餘區以待學士 原漢書曰
公孫弘起徒步數十年至宰相封侯起客館開東閣以

延賢人與參謀議故人賓客仰衣食俸祿皆以給之弘
年八十終後李蔡嚴青翟趙周石慶公孫賀劉屈氂繼
踵爲丞相者客館丘墟而已至賀屈氂時壞已爲馬廐
車庫奴婢舍矣 又曰元帝幸長楊射熊館布車騎大
獵揚雄作賦以諫 魏志曰管寧字幼安與同縣邴原
相友俱遊學于異國聞公孫度令行于海外遂與平原
王烈等至於遼東度虛館以候之 世說曰魏明帝爲
外祖母築館於甄氏旣成謂左右曰館當何以爲名侍

中繆襲曰陛下聖思齊於哲王罔極過於曾閔此館之
興情鍾舅氏宜以渭陽爲名 增雷次宗傳曰元嘉中
召詣京邑爲築室鍾山西巖下謂之招隱館 宋書曰
元嘉十五年立儒學館於北郊命雷次宗居之 齊書
曰褚伯玉字元璩居剡瀑布山宋孝建二年徵聘不至
齊太祖即位手詔吳會二郡以禮迎遣又辭疾上不欲
違其志敕於剡白山立太平館以處之 又曰永明五
年立商飈館於孫陵岡 幽怪錄曰竟陵掾劉諷夜投

空館有女郎至歌曰明月清風良宵會同星河易滅歡
娛不終綠尊翠杓爲君斟酌今夕不飲何時歡樂忽有
黃衣人曰婆提王屈娘子速來女郎皆起明日拾得翠
釵數隻 玉海曰淳化四年始置四方館使列於內職
思陵錄曰淳熙十五年遣留守司顏師魯高震至燕
京燕京館宴畢入來寧館蓋泛使之館也 成祖實錄
曰永樂初設北京會同館改順天府燕臺驛爲之 明
會典曰正統六年定爲南北二館北館六所南館三所

館三

原歸俎

飾厨

禮曰大饗卷三牲之俎歸於賓館宣
詔曰或擅興徭役飾厨傳稱過客注厨

飲食傳傳舍使及過客
皆得令稱其意傳音轉

獻歌

受業

漢明帝紀儒館
獻歌孟子曰

假館
受業

處妾

閱人

王導處衆妾密築別館蓋寬饒
視許伯第曰如此傳舍閱人多矣

翹材

招隱

西京雜記公孫弘開東閣分三館曰欽
賢曰翹材曰接士宋雷次宗隱廬山

文帝徵詣都
爲築招隱館

除館

崇館

晉人爲季孫除館於西河
囚之也晉文爲盟主崇

大諸侯
之館

適館

就館

詩適子之館兮
于姑就館

連榻坐客

倒屣迎賓

晉羊琇豪貴杜預拜鎮南將軍朝士畢賀乃
連榻而坐琇與裴楷後至曰杜元凱乃復以

連榻而坐客邪遂不坐而去王掾字仲宣詣蔡邕邕
倒屣迎之掾年少容貌短小既至一坐盡驚曰王孫有
異材吾不如也吾家書籍盡與之

不問所舍敢辱大館禮見人不
能館不問

其所舍叔弓

士不敢亂子無藝能何蕃居太學
六館之士不

如晉辭館云云

敢從亂北齊楊休之子辟疆無藝能於時廬旅

休之爲中書監引入文林館時嗤鄙之

於我乎館廬舍賓客
子曰生於
天子賜舍
司儀

致館並儀
禮賓至如歸舍不爲暴增築王姬館

築舅氏館左傳夏單伯逆王姬秋築王姬之
館於外下即魏明帝事詳館二掌方國

互市與商人雜居隋煬帝於建國門外置四方館待
四方使客各掌方國互市貞觀

十五年上謂侍臣曰古者諸侯入朝有湯沐邑芻禾百車待以客禮漢爲諸侯刺史立邸舍於京城頃聞都督刺史充考使至京師與商人雜居禮不足人多怨下詔令京城爲諸州朝集使造邸第三百餘所上親臨幸焉

鴻臚典客 廣文博士

後魏主置主客令隋鴻臚卿統典客後改曰典蕃鄭虔

傳玄宗愛虔之材欲置左右以不事事更置廣文館以虔爲博士聞命不知廣文曹司何在訴宰相宰相曰上增國學置廣文館以居賢者令後世言廣文博士自君始不亦美乎

迎風置酒 臨臯

奏樂

陸士衡詩置酒迎風館李固言傳爲西川節度詔雲韶雅樂即臨臯送之

浮槎

橫江

浮槎館在廣西南寧府橫州秦觀嘗過此橫江館在黃州府赤壁南晉建

白鶴

黃花

元帝初元三年茂陵白鶴館災詔曰乃者火災降於孝武園館劉邵趙都賦曰置酒於黃花之館

同文樂賓

同文館在延秋坊宋熙寧中置以待高麗蕃使元豐二年明州及定海縣作

高麗貢使館

賜名樂賓

朝覲修容

會計交政

柳宗元邠寧奏記曰凡諸侯述

職之禮必有棟宇建於京師朝覲

中峙

周坊

西京賦曰

為修容之地會計為交政之所

豫章西館揭焉中峙

左思魏都

司里不授

舍館

賦營密館於周坊飾賓侶之所集

未定

國語司里不授館孟子舍館未定

濃花發

黃葉稀

野館濃花發孤館

蕭條黃

同魚鱗

鄰蛟室

韓詩府西三百里候館同魚鱗孟浩然詩野館鄰

葉稀

蛟室人煙

接島夷

欽賢

接士

並詳前

館四

原詩晉袁宏擬古詩曰高館百餘仞迢遞虛中亭文幌
曜瓊扇碧疏映綺櫺 後周庾信入彭城館詩曰襄君

前建國項氏昔稜威鴟飛傷楚戰雞鳴悲漢園年代殊
氓俗風雲更盛衰水流浮磬動山深喧狖飛夏餘花欲
盡秋近雁將稀槐庭垂綠穗蓮浦落紅衣 增唐崔國

輔題豫章館詩曰楊柳映春江江南轉佳麗吳門綠波
裏越國青山際遊宦常往來津亭暫臨憩驛前蒼石沒
浦外湖沙細向晚宴且歡孤舟罔然逝雲留西北客氣

歇東南帝獨有萋萋心誰知怨芳歲
岑參銀山磧西館詩曰銀山峽口風似箭鐵門關西月如練雙雙流淚
沾馬毛颯颯胡沙迸人面丈夫二十未富貴安能終身
守筆硯 儲光羲終南幽館詩曰卜築青巖裏雲羅四
垂陰虛室若無人喬木自成林時有清風至側聞樵采
音鳳凰鳴南岡望望隔層岑旣言山路遠復道溪流深
偃佺空中遊虬龍水中吟何當見輕翼爲我達遠心

王維文杏館詩曰文杏裁爲梁香茅結爲宇不知棟裏

雲去作人間雨 又竹裏館詩曰獨坐幽篁裏彈琴復
長嘯深林人不知明月來相照 裴迪竹裏館詩曰來
過竹裏館日與道相親出入唯山鳥幽深無世人 李
白題宛溪館詩曰吾憐宛溪好百尺照心明何謝新安
水千尋見底清白沙留月色綠竹助秋聲却笑嚴端上
於今獨擅名 沈佺期岳館詩曰洞壑仙人館孤峯玉
女臺空濛朝雨合窈窕夕陽開荒澗含輕霧虛巖應薄
雷正逢鸞與鶴歌舞出天來 孟浩然次蔡陽館詩曰

日暮馬行疾城荒人住稀聽歌疑近楚投館忽如歸
曾堰田疇廣章陵氣色微明朝拜嘉慶須著老萊衣 杜

甫山館詩曰南國晝多霧北風天正寒路危行木杪身
遠宿雲端山鬼吹燈滅厨人語夜闌雞鳴問前館世亂
敢求安 元劉因寓萬壽宮館舍詩曰來時殘雪點征
衣落盡庭花尚未歸夢裏不知身尚病春山歸路馬如
飛 黃庚王修竹館即事詩曰池館翠涼處寬閒稱客
居未仙猶閨苑不夢亦華胥竹靜堪居鶴花香欲醉魚

心清無箇事長日一編書

劉秉忠客館詩曰客館蕭

條動客情飛螢箇箇傍窓明樓頭鼓角聲吹斷漏下銀

河第一聲

郝經新館感春詩曰東風吹敕褐水氣撲

虛簷月窟星河澹江城鼓角嚴年深愁不醒春至恨猶

添爲問秦通守何顏說錦簾

虞集赤城館詩曰雷起

龍門山雨灑赤城館蕭騷山木高浩蕩塵路斷魚龍起

新波燕雀集虛幔開戶微風興倚杖衆雲散 明劉養

晦野館詩曰安穩桐溪上時危久索居蟻穿庭下穴蝸

篆壁間書野水臨秋迥山窓映月虛十年戎馬亂歸計
定何如 高啟晚至西陵館詩曰匹馬倦嘶風蕭蕭逐
轉蓬地經兵亂後歲盡客愁中晚渡隨潮急寒山舊驛
空可憐今夜月相照宿江東 又客館秋懷詩曰獨臥
愁空館牆陰野豆開暑將潮氣斂秋與竹聲來身賤多
違志時清少棄材慙非張仲蔚門戶有蒿萊 楊基宿
高季迪京館詩曰歲晚此相逢鄉情似酒濃語長銷夜
燭夢短及晨鐘急雪風鳴葦微雲月照松雞前趨闕去

寒樹曉龍葱

原賦晉張協玄武館賦曰爾乃地勢夷敞旣膏且腴環以翠林帶以赤渠尋厥先之攸基實張氏之舊墟何魏后之周覽遂築館而起廬旣號玄武是曰石樓於是崇墉四匝豐厦詭譎爛若丹霞皎如素雪璀璨皓盱華璫四垂接棟連阿崕嶂參差朱戶清鋪幽闔秘閨於是高樓特起竦峙峒嶢飛甍四注上檠浮霄直亭亭以孤立迎千里之清颺陽扉南啟陰軒北達春牖左開秋窓右

豁仰視雲根俯臨天末木則楸梓夾路蓊蔚如林洪幹
十圍修枝百尋 潘尼東武館賦曰東武館者蓋東武
陽侯之館也嘉大雅之洪操美明哲之保身懲都邑之
迫險厭里巷之囂塵慕古公之胥宇羨孟氏之審鄰將
遷居於爽塏乃投迹於里仁前則行旅四湊通衢交會
水泛輕舟陸方羽蓋後則崇山崔嵬茂林幽藹彌望遠
覽滉漾夷泰表裏山河出入襟帶若乃潛流旁注飛渠
脉散芙蓉映渚靈芝蔽岸於是逍遙靈沼遊豫華林彎

弓撫彈娛志蕩心枯不空縱綸不苟沈遊鱗雙躍落羽
相尋膳夫進俎虞人獻新春醴九醞嘉豆百邊隨波汴
流乍往乍旋

原銘後漢李尤高安館銘曰巍巍高安明聖是修嵯嶢
麗館窻闥列周長除臨起櫺檻相承聖朝明察同保休
徵又平樂館銘曰乃興平樂弘敞麗光層樓通閣禁
闥洞房焚梁照曜朱華飾當騁武舒秘以示幽荒如榮
普覆然後來王

驛一

增說文曰驛置騎也 玉海曰郡國朝宿之舍在京者

謂之邸郵騎傳遞之館在四方者謂之驛 廣雅曰郵

驛也置亦驛也 風俗通曰漢改郵爲置置者度其遠

近之間置之也 玉藻曰士曰傳遞之臣

注曰遞以車馬給使者也

謂若今時乘驛遞傳而遽疾故謂之傳遞也 孟子曰德之流行速於置郵

而傳命 漢宣帝詔曰吏或飾厨傳稱過使客以取名

譽

韋昭曰厨爲飲食傳謂館舍言修飾意氣以稱過使而已 師古曰使人及賓客來者稱其意而遣之使

過去也

孫樵記曰褒城驛號天下第一 詩話曰白沙

驛在永州一百二十里祁陽縣下臨湘水西岸門外有亭以形勝盡在此也

驛二

增漢書曰鄭當時字莊陳人以任俠自喜爲太子舍人五日一洗沐常置驛馬長安諸郭詣謝賓客夜以繼日常恐不徧 又曰魏相爲茂陵令御史大夫桑弘羊客詐稱御史止傳承不以時謁客怒縛丞相疑其有奸收

捕案致其罪論棄客市茂陵大治 又曰王溫舒爲河

內太守令郡具私馬五十匹爲驛自河內至長安奏行
不過二日得可事論報河內皆怪其奏以爲神速 後

漢書曰趙孝字長平父普王莽時爲田禾將軍任孝爲
郎每告歸常白衣步擔嘗從長安還欲止郵亭亭長先
時聞孝當過以有長者客掃灑待之孝旣至不自名長
不肯內因問曰聞田禾將軍子當從長安來何時至乎
孝曰尋到矣於是遂去 又曰劉寵累登卿相家無貨

積嘗出京師欲息亭舍亭吏止之曰整頓灑掃以待劉公不可得也寵無言而去時人稱其長者 又曰衛颯

建武時遷桂陽太守三縣去郡遠且千里每一吏出徭及數家颯乃鑿山通道五百餘里列亭傳置郵驛於是役省勞息 會要曰開元十六年七月敕傳驛因御史出使察之二十五年五月御史鄭審檢校兩京館驛猶未稱使今驛門前十二辰堆即審創焉 舊唐書曰裴潁元和中兩河用兵初憲宗寵任內官以充館驛使有

曹進五者恃恩暴戾遇四方使多倨有至捽辱者宰相
李吉甫奏罷之十二年淮西用兵復以内官爲使潞上
疏曰館驛之務每驛皆有專知官畿內有京兆尹外道
有觀察使刺史迭相監臨臺中又有御史充館驛使專
察過闕若令宮闈之臣出參館驛之務則內臣外事職
分各殊竊恐塞侵官之源絕出位之漸言雖不用帝意
嘉之新唐書曰元稹爲御史分司東都召還次敷水
驛中人仇士良夜至稹不讓中人怒擊稹敗面宰相以

積年少輕樹威失憲臣體貶江陵士曹參軍 舊唐書

曰柳公綽長慶元年爲京兆尹時河朔復判朝廷用兵
補授行營諸將朝令夕改驛騎相望公綽奏曰自幽鎮
用兵使命繁併館遞匱乏鞍馬多闕又敕使行李人數
都無限約其衣緋紫乘馬者二十三十匹衣黃綠者不
下十匹五匹驛吏不得視券牒隨口即供驛馬旣盡遂
奪路人鞍馬衣冠士庶驚擾怨嗟遠近喧騰行李將絕
伏望聊爲定限乃下中書條疏人數自是吏不告勞

驛三

原聚橐續食

野廬氏掌達國路至於四畿比國郊及野之道路宿息井樹若有賓客則令守

涂地之人聚橐之有相翔者則誅之鄭當時置驛馬四郊迎賓縣次與續食注云路次也

劉寵

息趙孝止

上下俱詳驛二

一宿去三日館

莊子曰仁義先王之蘧廬

蘧廬傳舍一宿而去

左傳三日館穀

乘驛請地

驛遽傳也左氏曰楚子乘驛漢張

禹年老自起冢塋好平陵肥牛亭部處地又近延陵奏請求之上以賜禹詔平陵徙亭他所曲陽侯王根聞而爭之此地當平陵寢廟衣冠出遊道禹爲師傅不遵謙讓至求衣冠所遊之道又徙壞舊亭非宜孔子稱賜汝愛其羊我愛其禮宜賜他地上卒以肥牛亭地賜之

延客閱人

漢鄭莊置驛以延賓客

下詳
館二

不修

私具

薛宣子惠為彭城令宣過之橋梁郵驛不修知其不能下詳驛二

賦傳

避傳

傳郵賦給伯宗避重曰避傳

詐傳

投傳

上詳驛二投

傳不受申署

蟠事詳義感

增傳命

奏事

上詳驛一下詳驛二

置驛謝

賓

師傳稱客

上詳驛二下詳驛一

杜郵賜劍

皇華擲書

秦王與趙戰不利武安君白起曰不聽吾計今何如矣王聞之怒強起之武安稱病篤乃免為士伍遷之陰密行至杜郵應侯曰起之遷意尚快快有餘言王乃賜之劍武安遂自殺異聞錄云廣州押衙崔慶成輅香藥網詣內庫抵皇華驛舍見美婦曰今日見君君必有疑今日捨君我寧不悔侯君回轅別圖後會擲書曰川中狗百姓眼馬撲兒御厨飯泊還不敢宿皇華驛寓宿旅邸前婦人來曰今日之事可諧否十二字能解否慶

成不能對因命酒慶成不能舉觥乃作詩二首減燈而去丁晉公見十二字曰此獨眠孤館四字也

乘

傳詣洛

乘傳過家

史記漢高詔鄼商謂田橫曰田橫來大者王小者侯不來且舉兵加

誅焉田橫乃與其客二人乘傳詣洛陽蜀人仲子陵典黔中選補乘傳過家西人皆以為榮

取善

諂 改避賢

史記齊使淳于髡獻鵠於楚王至此地放其鵠乃揭空籠往見王曰臣不忍鵠之渴

出而飲之俄飛去吾欲死恐人議王以鳥獸之故令士自殺買而代之是欺吾王也楚王曰齊有信臣若此乃厚賜而歸驛名善諂蓋取此元稹陽城驛詩曰商有陽城驛名同陽道州陽公沒已久感我淚交流祠曹諱

羊祜此驛何不倖我欲避公諱改名避賢郵

已斬女巫

不讓宦言

肅宗以王

興為相尚鬼神之事分遣女巫遍禱山川有巫者少年盛服乘傳而行中使隨之所至誅求與惡少十數輩橫

行州縣至黃州左震爲刺史晨至驛門局戶不啟震命壞鑰而入曳正斬階下惡少皆死籍其緡巨萬悉列於上曰臣已斬女巫請以所籍緡代貧民輸稅其中使送上臣請死朝廷獎慰之下詳驛二

虛館

以待奪馬以聞

上即管寧事詳館高元裕以右補闕召道出商川會方士趙歸真擅乘

驛馬元裕諷之曰天子置驛爾敢疾驅邪命左右奪之還具以聞

市健馬募駛足

唐盧鈞拜爲華州刺史闕輔驛馬疲耗鈞爲市健馬率三歲一易自是無乏事又王疑爲商州刺史有治賦羨銀疑一無所受惟市馬以供驛用劉晏馳驛入奏字士安諸道巡院皆募駛足置驛相望

飛驛達警

唐溫造使幽州還詔馳驛入奏馬周建白置飛驛以達警急

江淹常

宿黃承見迎

夢筆驛在應天府東八里治亭昔江淹常宿於此夢得彩筆元稹昔日曾於

解縣飲酒有一人頻犯語令連飛十數觥因不勝逃去
後奉使東川至褒城驛有黃明府見迎瞻其形容髣髴
似識問其前銜即曩日逃
席黃丞也有贈黃明府詩
隴道塢驛前池順帝記
永和五

年令扶風漢陽築隴道塢三百所置屯

埋輪籌筆

丘元稹詩嚴秦修此驛兼漲驛前池

張綱傳漢安帝五年選遣八使徇行風俗綱獨埋其車

輪於洛陽都亭曰豺狼當道安問狐狸籌筆驛在蜀

路諸葛亮籌畫

飛狐亭障井陘烽燧

王霸傳建武
十二年與杜

於此山水最秀

茂治飛狐亭障自代至平城三百餘里馬成傳建武

十四年代杜陵繕治障塞自西河至渭橋河上至安邑

太原至井陘中山至鄴皆

高陽傳舍

潁川郵亭

列傳

築堡壁起烽燧十里一候

沛公至高陽傳舍使人召酈食其

黃霸守潁川使郵亭鄉官皆蓄雞豚

驛四

原乘傳 傳置

漢文帝召太僕見馬遺財足餘皆給傳置注遺留也則與纔同傳置驛也

傳舍 公食 使車 驛騎 星輶

輶車使車也

軍書

行人 供其乏困

行李往來供其困乏

無憂客使

左傳高其閑閤厚其牆垣

以無憂客使

遄征遄往

載馳載驅

增赤白囊

丙吉傳馭吏見

驛吏持赤白囊邊郡發奔命書馳來至馭吏因隨驛騎至公車刺取

赤幘

續志驛馬三十里一置卒

皆赤幘

御史知驛

會要大歷中各以御史知驛遂稱使

十二辰堆

會要開元

十五年御史鄭審檢校兩京館驛今驛門前十二辰堆即審所創

水陸相兼

六典駕部郎中

掌天下傳驛凡三十里一驛天下凡一千六百三十九所水驛一千二百九十七所陸驛八十六所水陸相兼

鈴聲郎當

詩話明皇幸上亭驛問黃繡綽曰車上鈴聲頗似人語對曰似言三郎郎當故又言

郎當

湖岸聞歌

酉陽雜俎劉元房宿湖岸驛中夜聞歌聲朝閱楹間有題曰爺娘送我青

驛

楓根不記青楓幾回落當年手

草上煙

迂齋詩話河東馬鋪有驛

製衣上花今日爲灰不堪著

驛有善行鋪卒名爲草上烟

陳橋擁立

陳橋驛在開封城北即擁

有勢力使命常數程打過

立太

飼馬宿隼

雜論孫樵云褒城驛昔爲天下第一今有飼馬宿隼於堂凡所以汚敗室

祖處

廬廩毀器物日益

以備招來

紹興六年以廣川奉真觀爲來遠驛從市舶司

碎破不與曩類

之請以備招

劉諫議院

金臺集劉蕢昌平人歷遼金無能發潛德者天歷間昌平

來諸國貢使

驛官宮棋始奏
建劉諫議院

驛取至京

稗史彙編華亭沈昭善
卜永樂中驛取至京太宗

命於午門上布卦乃問英國公征南事昭陽占曰此大
勝之兆時正午當得捷音其時果有飛檄至報安南平
上大悅賜鈔幣遣歸鄉里

驛五

增詩梁庾肩吾亂後經吳郵亭詩曰郵亭一回望風塵
千里昏青袍異春草白馬即吳門獫戎鯁伊洛雜種亂
軒轅輦道通關塞王城似太原休明鼎尚重秉禮國猶
存殷牖文雖蹟堯城吏轉尊泣血悲東走橫戈念北奔

方憑七廟畧誓雪五陵冤人事今如此天道共誰論

唐張說古泉驛詩曰昔聞陳仲子守義辭三公身賃妻
織屨樂亦在其中豈無窮賤苦羞與傾巧同長白臨河
上於陵入濟東我今行至此感歎古泉空 又深渡驛

詩曰旅宿青山夜荒庭白露秋洞房懸月影高枕聽江
流猿響寒巖樹螢移石驛樓他鄉對搖落併覺起離憂
宋之問至端州驛見杜五審言沈三佺期閤五朝隱
王二無競題壁慨然成咏詩曰逐臣北地承嚴譴調到

南中每相見豈意南中岐路多千山萬水分鄉縣雲遙

雨散各翻飛海闊天長音信稀處處山川同瘴癘自憐

能得幾人歸 又題大庾嶺北驛詩曰陽月南飛雁傳

聞至此迴我行殊未已何日復歸來江靜潮初落林昏

瘴不開明朝望鄉處應見隴頭梅 王勃白下驛餞唐

少府詩曰下驛窮交日昌亭旅十年相知何用早懷抱

即依然浦樓低晚照鄉路隔風烟去去如何道長安在

日邊 蘇頲曉發方驛詩曰傳置遠山蹊龍鍾蹴澗

泥片陰常作雨微照已生霓鬢髮愁氛換心情險路迷

方知向蜀老偏識子規啼 李白至鴨欄驛上白馬磯

贈裴侍御詩曰側疊萬古石橫爲白馬磯亂流若電轉

舉棹揚珠輝臨驛卷綈幕升堂接繡衣情親不避馬爲

我解霜威 杜甫宿白沙驛詩曰水宿仍餘照人烟復

此亭驛邊沙舊白湖外草新青萬象皆春氣孤槎祇客

星隨波無限好的近南暝 李商隱籌筆驛詩曰魚

鳥猶疑畏簡書風雲長爲護儲胥徒令上將揮神筆終

見降王走傳車管樂有才終不忝關張無命復何如他
年錦里經祠廟梁甫吟成恨有餘 元黃庚書山陰驛

詩曰迢遞三山道重來感舊遊潮聲寒帶雨山色淡生
秋寄驛通鄉信題詩記旅愁江湖十年客兩度到西州

范梈過三合驛詩曰一春歸計又蹉跎窮粵風光奈
病何總有青山千萬疊行人長少鷓鴣多 薩都拉至

龍潭驛詩曰野草山花知姓氏人生踪跡是浮萍帆衝
細雨空江白鳥沒長淮遠樹青今夜故人離水驛明朝

別酒盡沙瓶匆匆又入丹陽去暮鼓晨雞已候聽 又

題茶陽驛詩曰白雲飛出山怒壁蒼峽裂幽谷濕晴雲

絕壁灑飛雪萬折入滄海龍宮水晶闕簸揚弄珠人冰

簾挂寒月 又題揚州驛詩曰銀燭高燒照不眠呼兒

飲馬吸清泉寒砧萬戶月如水塞雁一聲霜滿天金縷

款歌來枕上銀瓶索酒到亭前明朝走馬燕山道贏得

紅樓說少年 明劉基發安仁驛詩曰雞鳴發山驛天

黑路彌險煙樹出猿聲風枝落螢點江秋氣轉炎嶂濕

雲難斂佇立山雨來客愁紛冉冉 又夜泊桐江驛詩

曰伯夷清節太公功出處非邪豈必同不是雲臺興帝

業桐江無用一絲風 汪廣洋登胥江驛亭詩曰小閣

開簾望遠岑煖風晴日轉幽禽胥江流水清無底較比

春愁一樣深 曾榮駕次江心驛詩曰清蹕初傳日未

西鴻臚將引唱班齊營門風暖千旗動輦路雲香萬馬

嘶草綠夜塘多是水雨晴沙道不成泥忽傳四鼓鑾輿

發不寐時時聽曉雞 王守仁書草萍驛詩曰一戰功

成未足奇親征消息尚堪危邊方西北傳尤警民力東
南已盡疲萬里秋風嘶甲馬千山斜日度旌旗小臣何
爾馳驅急欲請回鑾罷六師

增記唐李勉滑州新驛記曰余命試光祿卿兼同州別
駕裴萬以恪以幹俾主剗劂圻壤之工授其意曰無尚
雕木之異無榮飾土之奇揆時勿奪詳費就簡惟疎楹
棟將違暑也廣庭庶將達風也取寧體之用去娛目之
奢彤彩爲文刻剗像物有益勞費豈利蔭庥况玩巧蕩

神誇麗踰度字

崔祐甫滑亭新驛碑陰記曰連帥尚

書汧公爲國垣翰於東土軍禮肅人謠興新其亭傳以

待賓旅謀之有程設之有所力肆於悅巧峻於淫侈亟

而成得其時制博敞高明倬其閑閑沈深奧密杳然其

堂室 鄭就宋州重修五驛記曰我季父適守睢陽大

軍頓其所資糧器械且靡闕一毫明年九月賊平我公

念雁池泊會亭五驛前爲賊熾焰所滌况沿河旁午豈

可使厦屋不修乃厠材屨工未數月而畢其創匠輪奐

爲客館之最

閭里一

增說文曰閭里門也 又曰里居也 爾雅曰巷門謂之閭 風俗通曰五家爲軌十軌爲里里者止也五十家共居止也 周禮曰太宰以官府之八成經邦治三曰聽閭里以版圖 又曰五家爲比使之相保五比爲閭使之相受若國有大故則卿大夫各守其閭以待政令 又曰族師各掌其族之戒令政事以邦比之法五

家爲比十家爲聯五人爲伍十人爲聯四閭爲族八閭
爲聯使之相保相受刑罰慶賞相及相共以受邦職以
役國事以相葬埋 又曰遂人掌邦之野以土地之圖
經田野造縣鄙形體之法五家爲鄰五鄰爲里四里爲
鄣五鄣爲鄙五鄙爲縣五縣爲遂皆有地域溝樹之使
各掌其政令刑禁 毛詩曰將仲子兮無踰我里 尚
書曰表厥宅里 禮記月令曰孟夏門閭無閉 淮南
子曰里名勝母曾子不入邑號朝歌墨子迴車

閭里二

增列子曰燕人生於燕長於楚及老而還本國過晉同行者誑之指城曰此燕國之城其人愀然變容指社曰若里之社也乃喟然而歎指舍曰此若先人之廬乃泣然而泣指隴曰此若先人之冢哭不自禁同行者啞然大笑曰予皆給若此晉國耳其人大慙及至燕悲生更微水經注曰齊景公欲更晏子宅辭曰敢煩里旅吾生則近市死豈易志因葬故宅後人名之曰清節里

漢書曰武帝以璽書敕樓船將軍楊僕曰將軍乘傳行
塞因用歸家懷銀黃垂三組夸鄉里 又曰萬石君慶
徙居平陵里及諸子八里門趨至家張湛爲馮翊告歸
平陵里望里門而步 後漢書曰荀淑有子八人儉緄

靖燾汪爽肅粵並有名稱時人謂之八龍初荀氏舊里
名西豪穎陰令渤海苑康以爲昔高陽氏有才子八人
今荀氏亦有八子因改其里曰高陽里 齊書曰劉繪
爲南康相郡人有姓賴者所居名穢里繪嘲之曰君有

何穢而居穢里答曰未審孔子有何闕而居闕里繪歎

其辨速 南史曰花柏年漢中人常詣宋明帝因言及

南海貪泉帝問年曰卿里中有此水否對曰臣漢中唯

有文里武鄉廉泉讓水足以表名 唐書曰劉仁軌咸

亨中進爵為公子及兄子授上柱國者三人州黨榮之

號所居為樂城鄉三柱里 又曰劉知幾封居巢縣子

鄉人以知幾兄弟六人進士及第文學知名改其鄉里

為高陽鄉居巢里 又曰張嘉貞為相弟嘉祐為金吾

將軍每上朝軒蓋騶導盈閭巷人號所居坊爲鳴珂里
五代史曰鄧佑擢童子科弟吉擢三禮科改所居爲
揚名鄉兩秀里 宋史曰趙清獻公之里表曰故孝子
太師趙清獻居其里曰孝悌里

閭里三

原五比爲閭 五鄰爲里

上下俱詳前一

無閉

必步

上詳前一

門閭溝

渠必步

荀氏

龐公

上詳前二

閭里

下車

迴車

內史石慶醉歸入里門不下車萬石君聞之對案不食曾參迴車勝母之里

式商容

式干木

武王式商容閭

魏

仁爲美 義不入

仁里

爲美 衣閭賊不
入閭事詳義感

聽以版圖

掌其刑禁

俱詳前一

爲

聯爲比

相愛相和

上詳前一

比之治五家

秦二

比長各掌其

相愛相和

同里

閭左

漢盧綰與高祖同里
世發閭左戍漁陽九百人

秦二

增三物

八刑

周禮大司徒以鄉三物教萬民而賓興之一曰六德智
仁聖義中和二曰六行孝友睦婣任卹三曰六藝禮樂
射御書數又鄉射之禮五物詢衆庶一曰和二曰容三
曰主皮四曰和容五曰興舞 大司徒以鄉八刑糾萬
民一曰不孝二曰不睦三曰不婣四曰不悌
五曰不任六曰不卹七曰造言八曰亂民

義行見

稱 豐約與共

東漢王烈字彥方以義行見稱於鄉里
有爭田者將質之於烈或至塗而反有

爲盜者不辭刑罰勿使王彥方知
晉中書何琦尚節豐約與鄰里共之

表正鄉閭 索

居鄉里

東漢陳寔字仲弓在鄉閭平心率物其有爭訟者輒求判正曉譬曲直退無怨者南北朝餘

千人陸襄少有大志與鄉里落落不合越州刺史趙政問之襄曰世降道衰人多趨利是以索居政深器之

高陽

樂成

上下俱詳前二

賢人里

孝子鄉

魏任旄字子旗樂安

傳昌人漢末黃巾起到傳昌聞旄姓名曰夙聞任子旗天下賢人今作賊那可入其里邪北史華秋事母以孝聞母喪負土成牆築廬側詔表其門閭後賊起往來於廬之左右咸相戒勿犯孝子鄉揚名鄉

累德里

上詳前二

北史鈕因字孝政父母亡負土成墳墳前生麻一株其大合拱冬夏常青周

孝帝表其閭擢授甘棠子士榮亦至孝父喪廬墓庭槐枯死服終還家槐復榮茂詔號所居爲累德里

冠蓋里

巾車鄉

漢襄陽郡峴山南至宜城百里餘其間雕牆峻宇閭里填列宣帝末至有

卿士及刺史二千石數十人刺史行部見之敕縣名其里爲冠蓋里東漢馮異初在中車鄉爲漢兵所敗

賊那可入

君有何穢

即任旄事見前下詳前二

月旦評

蒲葵扇

東漢汝南許劭與兄靖俱有高名好覈論鄉里人物每月輒更其題謝安邑子有蒲葵扇五

萬安取其中者扇之價增數倍

鄭公鄉

趙公里

東漢鄭玄字康成北海人玄好學學

徒至數千百人國相孔融深敬之令高密縣爲玄特立一鄉曰鄭公鄉下詳前二

光德里

調元鄉

唐博陵崔邠兄弟六人自始仕至貴達同居光德里一宅宋李昉字明遠所居鄉曰調元鄉

秉鈞里

錦里 樗里

張儀築益州城故錦澗也號錦里樗里子名疾高訪曰其里有樗

樹故曰樗里然疾居渭南

尚冠

鳴珂

宣紀時會朝請舍於尚冠

陰鄉之樗里故號樗里子

里下

弩矢先驅

衣繡畫行

史記司馬相如奏言邛笮丹驪者可通爲

詳前二

郡縣上以爲然拜相如爲中郎將建節往使至蜀太守

以下郊迎縣令負弩矢先驅蜀人以爲寵

魏志張允

爲雍州刺史太祖曰還

持羊酒賀

分肉食均

史記

卿本州可謂衣繡畫行

豐人也與高祖同里同日生里中持羊酒賀兩家及高

祖綰壯學書又相愛也高祖起沛綰以客從入漢爲將

軍後滅臧荼爲燕王又曰陳平家貧好讀書里中社

平爲宰分肉甚均父老曰善陳孺子之爲宰平曰嗟乎

使平得宰天下

素聞其賢

罕識其面

韋貫之或薦之京兆尹李

實舉笏示所記曰此其姓名也與同里素聞其賢願識

之而進於上

五代崔稅遭世亂寓居滑臺不遊里巷

十餘年人罕識其面

栗里 薛曲

陶淵明所居栗里兩山門有大石可坐數十人下即薛

繪事見坊

昭君村 綠珠江

昭君生於陝州有昭君村綠珠生白州有綠珠江

原孔子恂恂 下惠由由

孔子於鄉黨恂恂如也柳下惠與鄉人處由由然不忍

去

敢煩更宅 何輕下步

齊景公欲更晏子宅辭云敢煩里旅注旅衆也後

漢張湛字子孝罷馮翊告歸平陵望寺門而下步主簿曰明府位尊不宜輕湛曰禮下公門式路馬父母之國所當盡禮爾

必式 必恭

禮入里必式詩維桑與梓必恭敬之

增

晉卿人壺關 全節過元城

唐苗晉卿字元輔潞州爲太守入壺關望縣門輒步

行或問之答曰公門當下况父母邦乎五代馬全節初徙廣晉後過元城衣白襪謁縣官鄉人以爲榮

八里必趨

望門則步

史記萬石君徙居陵里少子內史慶及諸子八里門必趨至家

下即張湛

反貽患苦 不宜剽殘

東坡志林司馬長卿始以汚行

事見前注

不齒於蜀人既而以賦得幸天子未能有所建明亡絲毫之善以自贖也而創開西夷逢君之惡以患苦其父母之邦乃復矜其車服旌旄之美使邦君負弩矢先驅豈詩人致恭桑梓萬石君下里門之意乎 唐李勣微時往從韋成翟讓為盜說之曰所居鄉里不宜自為剽殘

老窮不遺

守望相助

禮祭義居鄉以齒而老窮不遺強不犯弱衆不犯寡而弟達於州巷矣 孟子曰守望相助

示子

孫不忘 與耆老相樂

王師範以青州父母所籍每縣令至具威儀入謁師範遣吏挾

坐拜庭中乃出或諫不可曰吾示子孫不忘本也
司空圖每歲時祠禱歌舞圖於閭里耆老相樂


御定淵鑑類函卷三百四十八

謹案卷三百四十七第三十頁前一行人情同于
懷土刊本懷訛樂據文選改

卷三百四十八第十五頁前二行庾信入彭城館
詩刊本館訛餘據庾子山集改

第三十五頁後七行潞州按州下當有人字

欽定四庫全書



總校官庶吉士臣張能照

校對官編修臣裴謙

謄錄監生臣金拔

欽定四庫全書薈要

子部

御定淵鑑類函卷三百四十九

詳校官兵部主事臣雷純

欽定四庫全書薈要卷一萬一千七百九十七

子部

御定淵鑑類函卷三百四十九

居處部十

臺壇庭
庫藏管鑰附

臺一

原劉熙釋名曰臺持也言築土堅高能自勝持也爾

雅曰四方而高曰臺

積土四方者

增毛詩曰經始靈臺經

之營之又曰新臺有泚河水瀰瀰原五經異義曰

天子有三臺靈臺以觀天文時臺以觀四時施化囿臺

以觀鳥獸魚鱉諸侯卑不得觀天文無靈臺但有時臺

圉臺也 禮統曰夏爲清臺商爲神臺周爲靈臺 老

子曰九層之臺起于累土 增神鑿度曰庖羲氏建治

於宛墟國宋陳留縣有八卦臺 史記曰趙武靈王建

聚臺於邯鄲 又曰淮南王安立思仙臺 原又曰漢

武帝起柏梁臺高數十丈 增又曰濟陰郡城陽有堯

靈臺 後漢書曰尚書爲中臺御史爲憲臺謁者爲外

臺 東京記曰兗州有娥皇女英臺 原三輔故事曰

龍臺高六丈去豐水縣五里 三輔宮殿簿曰長樂宮

有臨華臺神仙臺 楊龍驤洛陽記曰凌雲臺高二十

三丈登之見孟津 增黃圖曰酸棗城西有韓王望臺

地理志曰北郡有之回臺 魏志曰建安十五年作

金虎臺又作水井臺 原又曰黃初六年築東巡臺七

年築九華臺 晉宮闕名曰鄴有銅爵臺織室臺 增

又曰晉有崇天臺 原鄴中記曰鄴城西北立臺皆因

城爲基趾中央名銅雀臺北則水井臺 增述異記曰

會稽山中都郭門古宮存焉宮前有堯臺舜館 宋史

曰太平興國二年築講武臺於城西之楊村 又曰慶

元四年秘書省築渾儀臺高二丈一尺 實錄曰景泰

元年築東直門外望京村墩臺 尚書曰散鹿臺之財

子虛賦曰靈王遊於雲夢之中息於荆臺之上 上

林賦曰累臺增成 甘泉賦曰洪臺獨出 思立賦曰

聘王母於銀臺 長門賦曰覽曲臺之央央 文選曰

綴平臺之逸轡

臺二

原左傳曰夏后啟有釣臺之響 歸藏曰昔者夏后啟

筮享神於晉之墟爲作璿臺於水之陽 又曰享神於

大陵而上釣臺 增淮南子曰夏桀之時容臺振而掩

覆 新序曰周文王作靈臺及於池沼澤及枯骨 晉

束皙汲冢書抄云周武王親禽受於南單之臺 列子

曰穆王時西極之國有化人來以王之宮室卑陋而不

可處王乃爲之改築土木之功赅堊之色無遺巧王府

爲虛而臺始成其高千仞臨終南山之上號曰中天之臺 原穆天子傳曰盛姬盛伯之子也

盛國名

天子賜之

上姬之長乃爲之臺是曰重壁之臺 山海經曰王母

之山有軒轅臺射者不敢西向畏軒轅之臺 增拾遺

記曰昭王時廣延國來獻善舞者二人一名旋娟一名提謨王登崇霞之臺乃召二人處之 述征記曰周靈

王二十三年起昆明之臺 石宣昭之臺聚天下異木

神工篩水精爲泥臺高百丈升之以望雲色時有蒼弘

能招致神異王登臺忽見二人乘空而至乘游飛之輦
駕以青螭其衣皆縫緝毛羽王即迎之上席時天下大
旱地裂木燃一人先唱能爲雪霜引氣一噴則雲起雪
飛坐者皆口噤井池冰堅可啄又設狐腋素裘紫羅大
褥是西域所至施於臺上又一人以指彈席上而暄風
入室裘褥皆棄臺下 左傳曰僖公五年春王正月辛
亥朔日南至公既視朔遂登觀臺以望而書禮也 列
仙傳曰簫史者秦穆公時人善吹簫能致孔雀白鵠穆

公有女字弄玉好之公以妻焉遂教弄玉作鳳鳴居數
十年吹簫似鳳聲鳳凰來止其屋爲作鳳臺夫婦止其
止數年皆隨鳳飛去秦爲作鳳女祠於雍宮時聞簫聲
焉 史記曰晉平公置酒於施惠之臺 說苑曰晉平

公使叔向聘於吳吳人棹舟以逆之左五百人右五百
人有繡衣而豹裘者有錦衣而狐裘者叔向歸以告平
公平公曰吳其亡乎奚以敬舟奚以敬民叔向對曰君
爲馳底之臺上可以發千兵下可以陳鼓鐘諸侯聞君

者亦曰奚以敬臺奚以敬民所敬皆異也於是平公乃
罷臺原陳留風俗傳曰浚儀有師曠倉頡城城上有
列仙吹臺增拾遺記曰晉文公焚林以求介子推有

白鴉遶煙而噪或集子推側火不能焚晉人嘉之起一

高臺名思煙臺

韓詩外傳曰景公使人於楚楚王與

之上九重之臺顧使者曰齊有臺若此乎使者曰吾君
有治位之坐土階三等茅茨不剪樸椽不斷者猶以爲
爲之者勞居之者泰吾君惡有臺若此者於是楚王蓋

悵如也 說苑曰齊威王游於瑤臺成侯卿來奏事從

車羅綺甚衆王望之謂左右曰來者何爲者也左右曰
成侯卿也王曰國至貧也何出之盛也 原王孫子曰

昔衛靈公坐重華之臺侍御數百隨珠照日羅衣從風
增述征記曰燕昭王二年海人乘霞舟以雕壺盛數
斗膏以獻王王坐通雲臺亦云通霞之臺以龍膏爲燈
光耀百里煙色丹紫國人望之咸言瑞光也遙拜之燈
以火浣布爲纏山西有照石去石十里見人物之影如

鏡焉碎石片片皆能照人而盾方一丈則重一兩昭王
春此石於泥泥於通霞之臺與西王母游居此臺上常
有鐘鼓琴瑟之鳴神光照耀如日月之出臺左右種恒
春之樹葉如蓮花芬芳似桂花隨四時之色 述異記
曰燕昭爲郭隗築臺今在幽州燕王故城中土人呼之
爲賢士臺亦謂之招賢臺 原左傳曰楚子成章華之
臺以與諸侯落之 賈子曰翟王使使者之楚楚王欲
誇之饗客章華之臺三休乃至於上 增家語曰楚王

將遊荆臺司馬子期諫王怒之令尹子西駕於殿下曰
今荆臺之觀不可失也王喜拊子西之背曰與子同樂
之矣子西步馬十里引轡而止曰夫子期者忠臣也而
臣者諛臣也願王賞忠而誅諛也王曰善乃還 說苑
曰楚莊王築層臺延石千里延壤百里大臣諫者七十
二人皆死諸御已曰土負水者平木負繩者正君受諫
者聖因歷陳天子諸侯不尊賢用諫身死國亡之事遂
趨而出楚王遽而追之曰已子反矣吾將用子之諫明

日遂解層臺而罷民楚人歌曰薪乎萊乎無諸御已訖
無子乎萊乎薪乎無諸御已訖無人乎 英華集曰九
思臺楚莊王樊姬墓也一名九里臺 淮南子曰令尹
子佩請飲莊王莊王許諾子佩疏揖北面立於殿下曰
昔者君王許之今不果往意者臣有罪乎莊王曰吾聞
子具於強臺強臺者南望料山以臨方皇左江而右淮
其樂忘死若五薄德之人不可以當此樂也恐留而不
能反 原陸賈新語曰楚靈王作乾谿之臺五百仞之

高欲登浮雲窺天文 增子虛賦曰楚王乃登雲陽之

臺孟康云雲夢高唐之臺宋玉所賦者言其高出雲之

陽也 列女傳曰貞姜者楚昭王夫人也王出遊留夫

人漸臺之上而去王聞江水大至使使者迎夫人忘持

其符使者至請夫人夫人不去於是使者取符則水大

至臺崩夫人流而死 原吳地記曰吳王闔閭十一年

起臺於姑蘇山因山爲名西向去國三十五里春夏遊

焉後夫差復高而飾之越伐吳遂見焚太史公云余登

姑蘇望五湖五湖去此臺二十五里 增史記曰勾踐

二十五年徙都瑯琊立觀臺以望東海 吳越春秋曰

范蠡於東武山起游臺其山東南爲司馬臺立層樓冠

其山巔以爲靈臺起離宮於淮陽中宿臺在於高平篤

臺在於成立苑於樂野燕臺在於石室齊臺在於襟山

勾踐之出游也休息食於令厨 魏策曰梁惠王觴諸

侯於范臺酒酣請魯君舉觴魯君擇言曰昔者楚王登

強臺而望崩山左江而右湖以臨彷徨其樂忘死遂盟

強臺而弗登曰後世必有以高臺陂池亡其國者今主
君前夾林而後蘭臺強臺之樂也可無戒歟 原新序

曰魏襄王將欲爲中天之臺許綰負鍤而入曰聞大王
將爲中天之臺願加一力臣聞天與地相去萬九千里
其趾當方一千里盡王之地不足以爲臺趾王默然罷
築者 呂氏春秋曰有娥氏有二佚女爲九成臺飲食
必以鼓 增東京記曰魏硯子臺云是張儀家似硯也
史記曰始皇作瑯琊臺刻石頌德 原伏琛齊地記

曰秦始皇二十八年至瑯琊大樂之留三月作瑯琊臺
臺亦孤山也然高顯出於衆山之上 史記曰寡婦清

其先得丹穴而擅其利數葉家亦不訾清寡婦也能守
其業用財自衛不見犯秦始皇以爲貞婦而客之爲女
築懷清臺 增三齊畧記曰鬲城東南有蒲臺高八丈

秦始皇東遊海上於臺下縈蒲繫馬夾道數百步到今
蒲生縈委猶若有繫狀蒲似水楊而勁堪爲箭 關輔
記曰建章宮北有涼風臺積水爲樓長樂宮有魚池臺

酒池臺始皇造又有著室臺闕雞走狗臺韓信射臺又
未央有果臺東西山二臺未央宮有鈎弋臺通靈臺望
鵠臺眺蟾臺桂臺商臺避風臺 原漢書曰文帝嘗欲
作露臺召工計之直百金曰百金中民十家之產吾奉
先帝宮室常恐羞之何以臺爲 增又曰文帝嘗夢欲
上天不能有一黃頭郎推上天覺而之漸臺以夢中陰
自求推者即見鄧通夢中所見也 原嵩高山記曰山
有玉女臺云漢武帝見三仙玉女因以名臺 增戴延

之西征記曰嵩中嶽也東謂太室西謂少室相去十七里嵩高總名也武帝作登仙臺在少室山下 又曰揚

州雷陂有臺高二丈南兗州記云即吳王濞之釣臺也史記曰漢武帝元封二年公孫卿言於帝曰仙人好樓居帝乃使卿持節候神作通天臺高三十丈雷雨悉在其下 洞冥記曰武帝起招仙之臺於明庭之北明

庭宮者其臺之別名也於臺上撞碧玉之鐘挂懸黎之磬吹霜條之箎唱來雲依日之曲使臺下聽而不聞歌

管之聲 又曰神明臺祀仙人處有銅仙舒掌捧雲表

之露 漢武內傳曰鈎弋夫人卒既殯尸香聞十餘里

因葬之雲陵帝甚哀悼又疑其非常人乃發冢開視棺

無屍唯衣履存焉乃起通靈臺於甘泉常有青鳥集臺

上往來至宣帝時乃止 飛燕外傳曰成帝於太液池

中起爲瀛洲臺榭高四十尺帝御流波文縠無縫衫趙

后衣南越所貢雲英紫褰碧瓊輕綃廣榭上后歌舞歸

風送遠之曲帝以文犀擊玉甌令后所愛侍女馮無方

吹笙以倚后歌 後漢書曰永平初以馬援女立爲皇

后顯宗圖畫建武中名臣列將於雲臺以椒房故獨不
及援東平王蒼觀圖言於帝曰何不畫伏波像帝笑而
不言 漢書曰王允爲司徒及遷都關中允收斂蘭臺
石室圖書秘緯要者以從至長安皆分別條上經籍具
存允有力焉 又曰建安十五年冬作銅雀臺於鄴十
七年春悉召諸子登臺使各爲賦臨淄侯植援筆立成
原博物志曰江陵有臺甚大而惟一柱衆梁皆共此

柱 廣州記曰尉佗立臺以朝漢室圓基千步直峭百丈螺道登進頂上三畝朔望升拜號爲朝臺 增洞冥記曰山中有韓夫人愁思臺望子陵也 李膺記曰市

橋西二百步得相如舊宅今海安寺有琴臺故墟 兩

京記曰東都城有流杯殿在麗春臺北有東西廊南至麗春臺北連弘徽殿南頭皆亭子間以山池殿上作漆渠九曲 東京記曰祥符縣西九里有岳臺圖經云昔魏王遙事霍山神築此臺禱於上因以爲名 又曰汴

城上有列仙吹臺西有牧澤甬道二百里漢梁孝王所
造今謂之隄赤城東有繁臺本吹臺也云蒼頡師子野
所造後有繁姓居側因名焉西有崇山即顏率云蟬臺
之下涉海之上是也 又曰洛州溫明臺後漢世祖晝
卧於此殿耿弇人造牀下勸帝即位處 原幽明錄曰
海中有金臺出水百丈結構巧麗窮盡神工橫光巖渚
竦曜星漢 戴延之西征記曰官渡臺去青口驛六十
里魏武所造也破袁紹於此 增長安志曰姚興集沙

門五十餘人有大道者五十人起造浮圖於永貴里立
波若臺居須彌山四面有崇巖峻壁珍禽異獸木草精
奇仙人佛像俱有人所未聞皆以爲希奇 原鄴中記
曰西臺高六十七丈上作銅鳳窓皆銅籠疏雲母幌日
之初出乃流光照耀 增魏畧曰黃初五年文帝東行
留郭后於永始臺霖雨城樓多壞有司請移止后曰昔
楚昭王出遊貞姜留漸臺江水至使迎而無符不去卒
沒今帝在遠未有急而移止奈何 述征記曰魏文帝

築臺高四十丈列燭置於臺下名曰燭臺遠望如列星
之墜地以處美人薛靈芸焉 又曰魏明帝五年昆明
國貢嗽金鳥帝將此鳥畜於靈禽之園飴以珍珠飲以
龜腦鳥常吐金屑如粟鑄之可爲器畏霜雪乃起小屋
以處之名曰辟寒臺皆用水精爲戶牖使內外通光而
風露恒隔宮人爭以鳥所吐之金用飾釵珮謂之辟寒
金 又曰吳主以潘夫人爲神女每與夫人遊昭宣之
臺恣意幸適旣盡酣醉吐於玉壺中使侍婢瀉於臺下

得火齊指環即挂石榴枝上因其處起臺名曰環榴臺

洛陽伽藍記曰千秋門內道北有西遊園園中有凌雲臺即魏文帝所築者臺上有八角井高祖於此造涼風觀登之遠望目極洛川東有靈芝釣臺累木爲之出於海中去地二十丈風生戶牖雲起棟梁刻石爲鯨魚背負釣臺旣如從地踊出又似空中飛下釣臺凡四殿皆有飛閣向靈芝往來三伏之日皇帝在靈芝臺避暑晉書曰涼張茂築臺約臺周輪八十餘堵其高九仞

武陵人閻曾夜叩門呼曰武公遣我來曰何故勞百姓
築臺姑藏令辛巖以曾妖妄請殺之茂曰吾信勞人曾
稱先君之令何謂妖乎太府主簿馬魴曰今世難未夷
唯當弘尚道素不宜勞役崇飾臺榭比年以來轉覺衆
務日奢於往每所經營輕違雅度實非士民所望於明
公茂曰吾過也命止作役原益州記曰雁橋東有巖
君平卜處土臺高數丈也 荊州圖記曰江陵縣東有
天井臺飛軒光映背邑面河實郊鄠遊憩之佳處也

鄧明德南康記曰雩都君山上有玉臺方廣數丈周迴盡是白石柱自然石覆如瓦形也四面多松杉遙眺峩峩嚮像羽人之館風雨之後景氣明淨頗聞山上有鼓吹之聲山都木客爲舞唱之節 增闕中記曰宮北有井榦臺高五十丈積水爲樓言築累方木轉相交架如榦 類書曰爾雅臺在夷陵州郭璞注爾雅於此 水經注曰固安縣金臺陂東西六十里南北五十步陂西北有釣臺高十丈方可四十步陂北十餘步有金臺金

臺上高東西八十步南北加減高十餘丈昔慕容垂之
爲范陽也戍之即斯臺也又有小金臺 又曰魏天師
道場東北舊有靜輪宮魏神麴四年造抑亦柏梁之流
也臺高廣超出雲間欲令上延霄漢下絕囂浮 東京
記曰夏州朔方郡赫連勃勃僭號築土起珍珠樓中天
臺 崔鴻十六國春秋曰赫連勃勃大破南涼僭檀并
殺衆數萬以人頭爲京觀號髑髏臺 北齊書曰文宣
天保九年發丁匠三十萬人營三臺於鄴因其舊業而

高博之大起宮室及遊逸園至是三臺成改銅雀曰金鳳金虎曰聖應冰井曰崇光十一月登三臺御乾象殿朝宴羣臣並命賦詩 成都記曰蠡臺梁孝王所築於兔園中迴道似蠡因名之 太宗實錄曰貞觀十九年十月班師次漢武臺餘基三成傍有祠室瑩域率顧問侍臣對曰此是燕齊之士爲漢武求仙之處其地俯臨大海長瀾接天岸多峻石奇怪之狀帝製文刻於石唐書曰杜甫少與李白齊名嘗從白及高適過汴酒酣

登吹臺慷慨懷古人莫之測 舊紀曰會昌五年正月

朔敕起望仙臺於南郊壇時道士趙歸真特承恩禮

杜陽編曰大中中日本國王子來朝云本國之東三萬
里有集真島島上有凝霞臺臺上有手譚池池中生玉
碁子不由制度自然黑白分明 宋史曰雍熙四年內

降手札來年有事東郊行籍田禮十月詳定所言舊禮
於先農壇東立觀耕臺 又曰慶歷三年上閔雨露立
殿廷御衣霑潤戊子雨輔臣稱賀辛卯築欽天臺於禁

中 成都記曰望鄉臺在明光殿西高八丈累磚作道
通至臺上登迴眺究觀洛邑暨南望少室亦山丘之秀
極也 帝京景物畧曰過沙河二十里至新井庵有松
林陰一畝西數里柳林中有臺曰景梁臺土人立以思
狄梁公 金臺集曰妝臺李妃所築今在昭明觀後妃
嘗與章宗露坐上曰二人土上坐妃應聲曰一月日邊
明上大悅 燕都遊覽志曰玉泉山有呂公巖下臨一
潭廣丈餘山上有看花臺 歸潛志曰王爵字飛伯少

居釣臺潛心述作未嘗輕求人知李欽叔過釣臺得其
所著賦及碑大驚遍薦於諸公自此去釣臺遊四方

元史曰世祖中統中於麗正門東七里建祭臺設昊天
上帝皇地祇位自是國有大典禮皆即南郊告謝又

曰至元五年十月敕二分二至及聖誕節日祭星於司
天臺又曰至元三十一年五月祭紫微星於雲仙臺
雲仙臺即今之望日臺元掖庭記曰九引臺七夕乞
巧之所至夕宮女登臺以五綵絲穿九孔針先完者爲

得巧遲完者爲輸巧各出資以贈得巧者 方輿記要
曰瞭鷹臺在縣西南二十五里高數丈周一頃元時遊
獵多駐於此 明一統志曰釣魚臺在府西花園村臺
下有泉涌出滙爲池其水至冬不竭金人王爵隱此

臺三

原五仞

九層

說苑曰楚莊王築五仞之臺 下詳前二

觀天

望月

上詳

前二 郭子橫洞冥記曰武帝升望月臺南端有三鴨羣飛俄而下臺帝悅之至夕鴨宿臺端

候日

揆星

趙曄吳越春秋曰范蠡起遊臺於怪山以爲靈臺仰視天文候日月之變怪 白虎通曰天子

立靈臺所以考天人之際
察陰陽之會揆星度之驗

十成

九累

楚詞曰璜臺
十成誰所極

馬尸子曰瑤臺

柏寢

匏居

韓子曰景公與晏子
游少海登柏寢之臺

九累而堯白屋

望其國曰美哉堂堂乎

國語曰楚靈王為章華之臺

與伍舉登焉曰臺美夫對曰先君莊王為匏居之臺高

不過望國氛大不過容晏豆民不廢時務官不易朝常

今君為此臺民罷財盡數年而成諸侯莫至若君謂此

美楚其殆矣賈逵

堯巡

夏享

王韶之始興記曰含
淮縣有堯山堯巡狩

注曰匏居高臺名

至於此立行臺

記禮

藏書

漢書藝文志曰曲臺后
蒼記九篇如淳注曰行

也下詳前二

禮射於曲臺后蒼為記故曰曲臺記

司馬彪續漢書

曰靈臺者乃周家之所造臺也圖書術籍珍玩寶怪皆

所藏

窺天

望海

上詳前一
城西北八十里
有平望亭亦古縣

也或云秦始皇為望海臺

銅雀

金鳳

魏志曰建武十五年冬太祖乃于鄴作銅雀臺

漢

武故事曰漸臺高三十丈南有壁門三層內殿階陞咸以玉為之鑄銅鳳凰高五丈飾以黃金栖屋上

戲馬

關雞

劉澄之山川古今記曰彭城西南有項羽戲馬臺郭緣生述征記曰廣陽門北有

關雞臺

慕許

懷清

戴延之西征記曰許昌城本許由所居也大城東北九重有許由臺

高六丈廣三十步由恥聞堯讓而登此山邑人慕德故立此臺

下詳前二

一柱

百梁

上詳前二

漢書曰元鼎二年春起柏

朝漢

望齊

梁臺服虔注曰用百梁作臺因名之

上詳前二史記曰趙武靈王為野臺以望齊中之境徐廣注曰野一作望

清冷

枵詣

鄴道元注水經曰睢陽縣城中有掠馬臺臺東有曲池池東有一臺謂之清冷臺

張衡西京賦注曰枵詣承

光皆
臺名

梁吹

蜀琴

上下俱
詳前二

越賀

蜀卜

吳越春秋
曰越王平

吳後立賀臺於越

蜀記

至日登

仲夏處

傳日南至公視

廣漢郡有嚴君平卜臺

朔遂登觀臺以望而書禮也
月
今仲夏可以居高明可以處臺榭

集鳳

呼鷹

上詳前二

劉表好鷹常登

集鳥

狀虎

御史府亦曰集鳥臺
曲陽侯王根作漸

臺歌野鷹來曲

臺狀西

延士

妨農

燕昭王置千金於臺上以延天下士謂之黃金臺
傳宋皇國

白虎

父爲平公築臺妨於農收子罕請俟農功畢築者謳曰
澤門之皙實興我役邑中之黔實慰我心子罕聞之執
朴扶其不免者曰吾儕小人皆有闔閭以避燥濕寒暑
今君爲一臺而不速成何以爲役君子謂子罕能分謗

望仙

思子

上下俱
詳前二

避風

曜漢

上詳前二
臺疎曜星漢金

經始落成

靈臺

章華臺

通靈通天

上詳前二

漢武臺名

臨高望思

古詩云思婦臨高臺
武帝立歸來望思之臺

漢

上帝居仙

人居

玉臺上帝所居
瑤臺仙人所居

觀避丸

望扼腕

晉靈公不
君從臺上

彈人觀其避丸者

潘岳西征賦

增夏臺

齊臺

夏

曰望漸臺而扼腕王莽死於漸臺

因湯於夏臺

淮南子曰庶

嘯臺吹臺

阮嗣宗善
嘯聲與琴

女叫天雷霆下擊景公臺

諧陳留有阮公嘯臺

吹臺即

瑤臺

玉臺

桀為瓊
宮瑤臺

繁臺也在開封府城南師曠建

彈百姓之財

禮樂

龍臺鹿臺

上下俱
詳前二

曲臺

志曰遊閭闔觀玉臺

平臺

列傳曰翼奉上疏孝文時未央宮有曲臺殿
梁孝王傳孝景時築東苑方二百餘里廣睢陽城七

十里大治宮室爲複道自宮連屬於平臺三十餘里招延四方豪傑

鴻臺 雞臺

黃圖曰長

樂宮有鴻臺秦始皇二十七年築帝常射飛鴻於臺上

故號鴻臺 郡國志曰洛陽雞臺有劉曜試弩弓棚夕

陽亭賈充出鎮長

桂臺 蘭臺

黃圖曰昭帝始元元年穿林池廣千步池

安百僚餞送於此 南起桂臺以望遠東引太液之水時命水嬉遊燕永日以文梓爲船木蘭爲柁刻飛燕翔鷁飾於船首隨風輕

漾畢景忘歸起商臺於池上

唐

青臺 寒臺

郡國志曰

高宗龍朔二年改秘書省曰蘭臺

蒲州蚩尤城鳴條野禹要塗山女思戀本國築臺以望之謂之青臺 又曰恒州野望臺趙武靈王以登高望

野亦曰

麟臺

鸞臺

百官志曰垂拱元年改秘書省曰麟臺門下省曰鸞臺

寒臺

厄臺

愁臺

厄臺在陳州世傳爲孔子絕糧之所宋王禹偁嘗作銘 五代史曰明宗入汴莊宗

至萬勝鎮不得進與元行登道旁冢置酒相顧泣下有
野人獻雉問其冢名野人曰愁臺也莊宗益不悅因罷
酒去

露臺 雲臺

長安志臨潼縣驪山東南三十里秦
始皇露臺祠在焉不齋戒往者輒風

雨迷道

漢明帝思中興功臣

明臺 涼臺

管子曰
黃帝立

乃圖二十八將於南宮雲臺

明臺之議者上親於賢也

裴度治第集賢里治石林

叢繚垣幽勝作別墅具煖館涼臺號綠野堂激波其下

子午 春秋

王子年拾遺記曰始皇起雲明臺窮四
方之珍木搜天下之巧工二人騰虛緣

木揮斤斧於空中子午時起工午時已畢秦人謂之子午

臺又曰二客於子午之地各起一臺

述異記曰郭景

純注通雅臺今在夷陵縣又

鬱孤

凌歊

鬱孤臺在
贛州府治

曲阜縣十里有孔子春秋臺

西南隆阜鬱然孤起唐刺史李勉登其上歎曰吾雖不

及子牟而心懸魏闕一也

凌歊臺在太平府當塗縣

黃山之巔劉宋孝武帝南遊登此臺

妙高凌虛

妙高臺在鎮江府城西北金山上了元建

北宋陳希亮守郡時建

握日

書雲

拾遺記曰西王母與穆王

遊於燧林之下王坐掘日之臺參雲上可捫日書雲臺在兗州府曲阜縣魯人以二至二分日登此望雲色以卜歲

畫卦

經星

畫卦臺在汝寧府上蔡縣臺四周皆產著草近臺一水曰蔡溝

舊有元龜鵠身素甲浮游其中洞冥記建元二年帝起騰光臺以望四遠常有飛光如星集於臺上亦曰經

星九子八公

黃圖曰神明臺上有九臺今謂之九子臺郡國志亳州老子祠內有八

公閱馬翫龍

水經注曰鄴漳水北有趙閱馬臺高五大列觀其上石虎每講武於其下

升觀以望之虎自於臺上放鳴鏑之矢以為軍騎出入之節

講武

教農

地理志曰許州臨潁有講武臺本尚書臺馬融講書之地高宗大閱於此更名神鑿度曰神

農帝建治於魯改女皇之大

傳教

觀象

古三墳曰燧人氏有

樂今樂臺在魯教農臺在頓

傳教之臺兩京記曰東都關北

集靈

尋真

舊紀曰天

及南皆有觀象臺太史仰觀之處

寶元年造長生殿名爲集靈臺以祀天神漢武內傳

曰帝登尋真之臺齋至七月七日夜天西南白雲起少

頃王母至望母思妻水經注洧水南有鄭莊公望母臺

成都在記曰思妻臺在梓潼縣五

里白起韓信水經注曰長平城在上黨郡南秦壘

崔我特起今乃號之曰白起臺水經注安陽縣故隸

漢中樊噲臺高五六丈又東南逕大城固北水北有韓

信臺高十餘丈上容百許人相傳漢高

祖齋七日置壇設九賓禮以禮拜信

伯牙

仲連

伯牙臺在嘉興府海鹽縣臺側有聞琴橋

昭君單

仲連臺在東昌府城西北古聊城中

于

昭君臺在興州山南漢掖庭待詔王嫱字昭君南郡秭歸人邑人憫昭君不回立臺以祭今有昭君村

漢武本紀曰帝行自雲陽北歷上郡西河五原出長城北登單于臺至朔方臨北河勒兵十八萬騎旌旗經千餘里威震匈奴

李陵

劉琦

李陵臺在大同府城西北古雲內州境陵鄉於此劉琦臺在

襄陽府治東即劉表子琦與諸葛武侯謀自安計登樓去梯處也

四知

九成

四知臺在

昌邑爲楊伯起建九成臺在韶州府北城上太守狄咸宴蘇軾於此軾即席作銘自書刻石

厭氣

凌雲

厭氣臺在徐州豐縣城中秦始皇東遊以厭王氣因築此臺述征記曰魏明帝起凌雲臺躬

自掘土羣工皆負畚鍤時陰寒役者多死高堂隆等諫之不聽累年而畢

靈武

華陽

靈武

臺在慶陽府環縣舊屬靈武郡唐肅宗即位於此天
中記曰荆軻與太子游東宮池軻拾瓦投龜太子捧金
丸進之又共乘千里馬軻曰馬肝美即殺馬進太子與
樊將軍置酒於華陽臺出美人能鼓琴軻曰好手也斷
手以玉
盤盛之
草玄
翻經
草玄臺在成都府治西南揚雄

宋謝靈運

造字

說經

造字臺在開封府城北世傳
蒼頡造字之所
說經臺在

翻經於此

蓋屋縣即闕尹喜迎老聃說道德

視草

授經

漢明帝勅

經處晉惠帝植木萬株連亘七里

蘭臺給筆札使賈逵作神雀頌故事玉堂中設視草臺
每草制則具衣冠巡臺而坐
授經臺在鳳翔府城南

尹喜授老子五千言退而書此

縹緲

逍遙

縹緲臺在繁昌治後下
瞰大江
逍遙臺在臨

淮莊子墓側唐

玉鏡

瓊花

玉鏡臺在三水胥江上
酒家環列多當壚者

刺史梁廷嗣造

瓊花臺在揚州府城東蕃釐觀內花自唐人植天下獨一株元時朽以八仙補之

夜香雨

花

夜香臺在懷慶府濟源縣宋令陳省華妻馮氏於此焚夜香禱曰不求金玉富但願子孫賢後三子皆爲

名臣 雨花臺在長干里南梁武帝時有靈光法師講經於此感天雨花天厨獻食因築臺

挂劍

釣龍

掛劍臺在東阿張秋城南相傳吳季札弔徐君處以括地志考之在泗州徐城者爲是然墓旁

掛劍草亦奇跡也草形似劍可以愈疾 釣龍臺在福州府釣臺山下有石刻曰全閩第一江山越王餘善釣

龍

千秋八景

千秋臺在真定府高邑縣漢光武至鄒因諸將請築臺即住於此 八景

臺在長沙府城西宋嘉祐中築八景曰瀟湘夜雨洞庭秋月遠浦歸帆平沙落雁烟寺晚鐘漁村夕照山市晴

嵐江天

歌風

粘雨

歌風臺在徐州沛縣東南泗水西岸漢高祖征英布還宴父老

暮雪

於此有大風之歌後人因以名臺 拾遺記曰石虎於
太極殿前起樓高四十丈名曰芳塵臺上有銅龍腹容
數百斛酒使胡人於樓上嗽酒風至望之如露
曰粘雨臺用以灑塵樓上戲笑之聲音震空中 龍虎

鳳凰

龍虎臺在居庸關臺廣二里袤三里與積栗山
相峙有龍盤虎踞之狀故名 鳳凰臺故趾在

江寧縣治南鳳凰山劉宋元嘉中王觀見
異鳥集此山時謂鳳凰遂築臺其上故名

八風九

日 王莽起八風臺以別四方之風蓋欲求神仙也臺成
費萬金 九日臺在應天城北世呼為松陵岡舊武

帝九月九日
宴羣臣於此

落帽

濯纓

落帽臺在荊州龍山晉孟
嘉落帽處 濯纓臺在荊

州監利縣北相傳
楚屈原於此濯纓

見孟任

寵西施

左莊三十二年
初公築臺臨黨

氏見孟任從之闕而以夫人言許之割臂盟公生子般
焉 吳王夫差破越越乃進西施請退軍吳王許之吳

王既得西施甚寵之為築姑蘇臺高三百丈游宴其上子胥諫曰吾恐姑蘇臺不久為麋鹿之遊矣

兩

觀三歸

兩觀臺在兗州曲阜縣魯城內孔子誅少正卯於兩觀之下即此三歸臺在兗州東阿

縣西世傳為管仲築

賣漿

醒酒

賣漿臺在真定府藁強縣北相傳姜太公未達時嘗賣漿

於此醒酒臺在懷慶府修武縣東北百家巖前巨石是也乃晉劉伶醒酒處

關雞走狗

望鵠瞻蟾

漢長樂宮中有關雞臺走狗臺未央宮中有望鵠臺瞻蟾臺

子陵垂釣

伯奇撫琴

釣臺在嚴州富春山東西二臺各高約數百丈東漢嚴子陵垂釣處撫琴臺在瀘

州城北尹吉甫子伯奇被後母譖於此臺撫琴作履霜操以自悲

絃歌

金石

絃歌臺在

東昌府武城縣西十里上有子游祠金石臺在江西撫州城西有名峯五第一峯獨高餘四峯差小名金石

臺與四峯聯屬後石洲水流其中故時有金石臺分
丞相出之語宋晏殊王安石相繼拜相人以爲應

絳帳青陵

絳帳臺在荊州城西南漢馬融教授之所
形管新編韓憑爲宋康王舍人妻何氏

美王欲之舍人築青陵臺何氏作

測景望氣

測景臺在

烏鵲歌以見志遂自縊死韓亦死

河南府登封縣東南古陽城縣內周公定此地爲中土
立土圭測日影以驗四時望氣臺在靈寶關令尹喜

見紫氣丈餘飛入關曰必有異人過

鑄鼎吹笙

岳

此翼日老子駕青牛至後乃築臺

君山有軒轅臺一名鑄鼎臺黃帝鑄鼎荆山下鼎成騎
龍上昇吹笙臺在溫州府城南相傳王子晉吹笙處

獲麟判虎

獲麟臺在兗州鉅野縣東南即西狩獲
麟之所後人於此築臺判虎臺在鳳

陽定遠縣治後相傳宋包拯爲
縣令虎傷人捕虎繫臺前判之

曝書吟詩

曝書臺
在兗州

鄒縣治東南相傳子思曝書於此 保定府易州
大寧山有吟詩臺相傳五代時馮道吟詩於此

望

風觀星

洞冥記曰太初二年起甘泉望風臺於臺上
得珠望之如照月因名照月珠 故宮遺錄

厚載門東有觀星臺

黃鳥銜書

馴鹿產女

郡國志
日許州

臺旁有雪柳萬株

有丹書臺魏文帝受禪有黃鳥銜丹書築此臺

鹿安

臺在泰州城內昔有王仙翁居山中見馴鹿產女於草

莽中挈養於菴鹿來乳之

散金

受珠

散金臺在沂
州即二疏散

後十六載仙翁築臺居之

金處 述異記曰始皇至東海海神捧

月影

瑤光

珠獻於帝前今海畔有始皇受珠臺

西京雜記漢掖臺有月影臺

聚燕

晾鷹

帝京景物
畧蕃育東

金史志瓊花苑有瑤光臺

南二十里有阜高一丈廣三四十丈曰聚燕臺歲秋社

燕辭巢日必各將其雛數千百聚此臺呢喃一二日然

後分翔而去 明一統志南海子在京城

射雉釣

南二十里舊爲下馬飛放泊內有瞭鷹臺

魚 國史地理志曰單州單父有宓子賤琴臺澶州濮陽

有昆吾臺滄州南皮有魏文射雉臺

溫陽紀畧釣

魚臺在懷柔縣西三里山水殊勝澗流至此廣文

歇

餘橫板橋以渡東南一望烟渚村樹彷彿江鄉

馬

望麟

長安客話歇馬臺故址在寶坻縣南五十里相傳金章宗駐蹕處 郡國志曰曹州麟城

南有望麟臺園客祠庭種香草有五

讀書 梳妝 郡

色神蛾得大繭絲六十里始盡處

志曰鄧州皇后城即迎陰后處城西張平子讀書之臺

堯山堂外記金章宗爲李宸妃建梳妝臺於都城東

北隅今禁中瓊花島妝臺本金

畢昴 章黃

述征記 曰魏文

故物也目爲遼后梳妝臺誤

帝黃星炳夜乃起畢昴臺以記星 章黃臺據

問廣

章黃二水之會與鬱孤甲乙稱雄趙抃所建

成

訪安期

鈞天臺在邳縣相傳黃帝問道廣成子駐蹕於此間奏鈞天之樂故名 幸臺在萊

州府城南門漢武帝訪

周公

黃石

水經注魯縣周公臺高五丈周

安期生登此碑劍尚存

五十步臺南四里許則孔廟即夫子之故宅也

連弩

又曰陽穀有黃山臺黃石公與張子房期處

發箭

李元諒傳曰正元中節度隴右葉連弩臺遠烽候爲守備西戎憚之 名勝志金章宗游獵處

有發

箭臺

臺四

原春臺

衆人熙熙如登春臺

陽臺

朝朝暮暮陽臺之下

蘭臺

良史下筆不能自休

容臺

書式商容之間索隱云商禮樂官知禮容故禮部太常稱容臺

新臺

衛宣公納伋之

妻作新臺於河上
而要之國人惡之

漸臺

立於中央

高臨四遠

吳都賦作姑蘇之高

臺臨四遠

危甚累基

說苑晉靈公造九層臺三年不成人力困敕出令敢諫者死荀

而特建

息進曰臣能累十二基子加九卵於上公曰危哉息曰
不危公造臺三年不成男不耕女不織亦甚危矣公遂

止

崔嵬

埵堦

崇制

峻址

崇崇之制

登登

之功 崇九層之制雖欲凌雲 起一匱之功尚須揆

日

臺五

原詩晉陸機擬古詩曰高臺一何峻迢迢峻而安綺窓

出塵冥飛階躡雲端佳人撫瑤瑟纖手清且閒芳音隨
風結哀響馥若蘭玉容誰能顧傾城在一彈 梁簡文

帝琴臺詩曰蕪階踐昔徑復愁鳴琴游音容萬春態高
名千載留弱枝生古樹舊石染新流由來遞相歎逝川
終不收 庾肩吾過建昌故臺詩曰魯國觀遺殿韓城

想舊臺仲宣原隰滿子建悲風來夏蓮猶反植秋窓尚
左開圖雲仍溜雨畫水即生苔及君歡四望知余念七
哀 陳祖孫登宮殿名登高臺詩曰獨有相思意聊敞

鳳凰臺蓮披香稍上月明光正來離鶴將雲散飛花似

雪迴遙想竹林友前窓夜夜開 增唐太宗登三臺言

志詩曰未央初壯漢阿房昔侈秦在危猶騁麗居奢遂
役人豈如家四海日宇罄朝倫扇天裁戶舊砌地剪基

新引月擎霄桂飄雲逼曙鱗露除光炫玉霜闕映雕銀
舞接花梁燕歌迎鳥路塵鏡池波太液莊苑麗宜春作
異甘泉日停非路寢宸念勞慙逸已居曠及勞神所欣
成大厦宏材佇渭濱 玄宗春臺望詩曰暇景屬三春

高臺聊四望目極千里際山川一何壯太華見重巖終
南分疊嶂郊原紛綺錯參差多異狀佳氣滿通溝遲步
入綺樓初鶯一一鳴紅樹歸雁遲遲去綠洲太液池中
下黃鶴昆明水上映牽牛聞道漢家全盛日別館離宮
趣非一甘泉逶迤亘明光五柞連延接未央周廬徼道
縱橫轉飛閣迴軒左右長須念作勞居者逸勿言我後
馬能恤爲想雄豪壯柏梁何如卑儉安茅室陽烏黯黯
向上沈夕鳥喧喧入上林薄暮賞餘回鳳輦還念中人

罷百金 盧照鄰相如琴臺詩曰聞有雍容地千年無

四鄰園院風烟古池臺松檟春雲疑作賦客月似聽琴
人寂寂鳥啼處空傷遊子神 又文翁講臺詩曰錦里

淹中館岷山稷下亭空梁無燕雀古壁有丹青槐落猶
疑市苔深不辨銘良哉二千石江漢表遺靈 岑參司

馬相如琴臺詩曰相如琴臺古人去臺亦空臺上寒蕭
條至今多悲風荒臺漢時月色與舊時同 又文翁講

臺詩曰文翁不可見空使蜀人傳講席何時散高臺豈

復全豐碑文字滅冥冥不知年 又揚雄草玄臺詩曰

吾悲子雲居寂寞人已去娟娟西江月猶照草玄處精

怪意無人睢盱藏老樹 高適登子賤琴臺詩曰宓子

昔爲政鳴琴登此臺琴和人亦閒千載稱其才臨眺忽

悽愴人琴安在哉悠悠此天壤惟有頌聲來 褚亮臨

高臺詩曰高臺暫俯臨飛翼聳輕音浮光隨日度漾影

逐波深迴瞰周平野開懷暢遠襟獨此三休上還傷千

里心 王維臨高臺送黎拾遺詩曰相送臨高臺川原

杳何極日暮飛鳥還行人去不息 又登裴迪秀才小

臺詩曰端居不出戶滿目望雲山落日鳥邊下秋原人

外閒遙知遠林際不見此簷間好客多乘月應門莫上

關 沈佺期臨高臺詩曰高臺臨廣陌車馬紛相續回

首思舊鄉雲山亂心曲遠望河流緩周看原楚綠向夕

林鳥還憂來飛景促 宋之問登粵王臺詩曰江上越

王臺登高望幾回南溟天外合北戶日邊開地濕煙常

起山晴雨半來冬花采盧橘夏果摘楊梅跡類虞翻枉

人非賈誼才歸心不可見白髮重相催 張九齡登古

陽臺詩曰庭樹日衰颯風霜未云已駕言遣憂思乘興
求相似楚國茲故都蘭臺有餘址傳聞襄王世仍立巫
山祀方此全盛時豈無嬋娟子色荒神女至魂蕩宮觀
裏蔓草今如積朝雲爲誰起 李白凌歊臺詩曰曠望

登古臺臺高極人目疊嶂列遙空雜花間平陸閒雲入
窓牖野翠生松竹欲覽碑上文苔侵豈堪讀 又登金
陵鳳凰臺詩曰鳳凰臺上鳳凰遊鳳去臺空江自流吳

宮花草埋幽徑晉代衣冠成古丘三山半落青天外二水中分白鷺洲總爲浮雲能蔽日長安不見使人愁

又蘇臺懷古詩曰舊苑荒臺楊柳新采菱歌唱不勝春只今惟有西江月曾照吳王宮裏人 杜甫相如琴臺

詩曰茂陵多病後尚愛卓文君酒肆人間世琴臺日暮雲野花留寶靨蔓草見羅裙歸鳳求凰意寥寥不復聞劉長卿秋日登吳公臺上寺遠眺詩曰古臺搖落後秋入望鄉心野寺來人少寒峯隔水深夕陽依舊壘寒

磬滿空林惆悵南朝事長江獨至今 張繼題嚴陵釣

臺詩曰舊隱人如在清風亦似秋客星沉夜壑釣石俯

春流鳥向喬枝聚魚依淺瀨游古來芳餌下誰是不吞

鉤 包融阮公嘯臺詩曰荒臺森荆棘蒙龍無上路傳

是古人跡阮公長嘯處至今清風在時時動林樹逝者

昔已遠升攀想遺趣靜然荒榛間久之若有晤靈光未

歇滅千載知仰慕 歐陽詹題嚴光釣臺詩曰弭棹歷

塵跡悄然關我情伊無昔時節豈有今時名辭貴不辭

賤是心誰復行欽哉此溪曲永獨古風清 許渾凌歊

臺詩曰宋祖高臺樂未迴三千歌舞宿層臺湘潭雲盡

暮烟出巴蜀雪消春水來行殿有基荒薜合寢園無主

野棠開百年應作萬年計巖上古碑空綠苔 李商隱

青陵臺詩曰青陵臺畔日光斜萬古貞魂倚暮霞莫訝

韓憑爲蛺蝶等閒飛上別枝花 曹鄴姑蘇臺詩曰吳

宮酒未銷又宴姑蘇臺美人和淚去半夜閭門開相對

正歌舞笑中間鼓鼙星散九重門血流十二街一去成

萬古臺盡人不回時聞田野中拾得黃金釵 溫庭筠

登盧氏臺詩曰勝地當通邑前山有故居臺高秋盡出
林斷野無餘白鷺鳴蛩急天晴度雁疎由來放懷地非
獨在吾廬 張喬題賈島吟詩臺詩曰吟魂不復游臺
亦似荒丘一徑草中出長江天外流暝煙寒鳥集殘月
夜蟲愁願得生禾黍鋤平恨即休 羅鄴凌歊臺詩曰

高臺今古竟長閒因想興亡自慘顏四海已歸新雨露
六朝空認舊江山槎翹獨鳥汀洲畔風亞荒榛雪浪間

好是輪蹄來往便誰人不向此躋攀 又望仙臺詩曰

千金疊土望三山望鶴無踪羽衛還若說神仙求便得

茂陵何事隔人間 羅隱姑蘇臺詩曰讓高泰伯開基

日賢見延陵復命時未會子孫因底事假崇臺榭為西

施 宋蘇軾章貢臺詩曰濤頭寂寞打城還章貢臺前

暮靄寒倦客登臨無限意孤雲落日長安 黃魯直

題大雪寺觀臺詩曰瘦藤拄破風烟上乞與遊人眼豁

開不知眼界闊多少白鳥飛盡青天回 朱子登定王

臺詩曰寂寞番君後光華帝子來千年餘故國萬事只

空臺日月東西見湖山表裏開從知爽鳩樂莫作雍門

哀 楊廷秀朝漢臺詩曰榕樹梢頭訪古臺下看碧海

一瓊杯越王歌舞春風地今日春風獨自來 元元好

問光武臺詩曰東南地上遊荆楚兵四衝遊子十月來

登高送長鴻當年赤帝孫提劍起蒿蓬一顧潢水斷再

顧新都空雷霆萬萬古青天看飛龍歸然此遺臺落日

荒烟重誰見經綸初指揮走羣雄白水日夜東石麟幾

秋風空餘廣武歎無復雲臺功 又聚仙臺夜飲詩曰
永夜留歡席高懷遠市塵月涼衣有露風細水生鱗鄉
社情親舊仙臺姓字新殷勤詩卷在長記座中人 又
銅雀臺瓦硯詩曰愛惜鉛華洗又看畫欄桂樹雨聲寒
千年不作鴛鴦去換得書生笑老瞞 吳澄歌風臺詩
曰黃屋巍巍萬乘尊千秋遊子故鄉魂韓彭自取夷三
族平勃那堪托後昆湛露迄今王迹息大風終古霸心
存當時儘自規模遠誰起河汾與細論 薩都拉鳳凰

臺爲御史大夫易釋董公同賦詩曰六朝歌舞豪華歇
商女猶能唱後庭千載江山圍故國幾番風雨入空城
鳳凰飛去梧桐老燕子歸來楊柳青白面書生空弔古
日陪驄馬繡衣行 又宿青陽雲松臺詩曰縣門遙接
九華山日月天開圖畫看雲氣曉連銅柱濕翠光晴鎖
硯池寒人間官府紅塵馬天上神仙白玉盤高卧雲松
定何日仰攀北斗夜闌干 周權再次邵本初韻釣臺
詩曰羊裘人已遠猶說漢江山不爲三公貴輕拋半日

閒遺臺蒼樹杪清瀨白雲灣千載惟鷗鳥相看不厚顏

揭傒斯歌風臺和李提舉韻詩曰萬乘東歸火德開

漢皇曾此宴高臺沛中父老謳歌入海內英雄倒載迴

湯沐空餘清泗在風雲猶似翠華來穹碑立斷蒼崖上

靜閱人間幾劫灰黃潛題雪竇妙高臺詩曰偶爲清

遊宿梵宮凌晨試上最高峯水翻雪色寒猶落雲遠丹

光遠更重舊有一僧能跨虎近聞三洞盡藏龍下方車

馬應難到烟際惟聽日暮鐘明張羽姑蘇臺詩曰荒

臺獨上故城西輦路淒涼草樹迷廢塚已無金虎踞壞
牆時有夜烏啼采香逕斷來麋鹿響屐廊空變蒺藜欲
弔伍員何處是淡煙斜日不堪題

原賦魏文帝登臺賦序曰建安十七年春遊西園登銅
雀臺命余兄弟並作其詞曰登高臺以騁望好靈崔之
麗嫺飛閣崛其特起層樓儼以承天步逍遙以容與聊
游目於西山溪谷紆以交錯草木鬱其相連風飄飄而
吹衣鳥飛鳴而過前申躊躇以周覽臨城隅之通川

曹植登臺賦曰從明后而嬉遊聊登臺以娛情見天府
之廣開觀聖德之所營建高殿之嵯峨浮雙闕乎太清
立沖天之華觀連飛閣乎西城臨漳川之長流望衆果
之滋榮仰春風之和穆聽百鳥之悲鳴天工坦其旣立
家願得而獲呈揚仁化於宇內盡肅恭於上京惟桓文
之爲盛豈足方乎聖明休矣美矣惠澤遠揚翼佐皇家
寧彼四方同天地之矩量齊日月之輝光 晉陸機登
臺賦曰永寧中巡幸鄴宮三臺登高有感乃作賦曰爾

乃佇眄瑤軒流目綺寮中原方華綠葉振翹歷玉陛而
容與步蘭堂以逍遙曲房縈而窈眇長廊邈而蕭條於
是聊樂近遊薄言儂佯綺疏列於東序朱戶立於西廂
感舊物之咸存悲昔人之云亡憑虛檻而遠想審歷命
於斯堂於是精疲遊倦白日藏輝鄙春登之有情惡荆
臺之忘歸聊弭節而駕言悵將逝而徘徊 孫楚韓王
臺賦曰酸棗寺門外夾道左右有兩故臺訪諸故老云
韓王聽訟觀也望韓王之故臺尋往代之所營雙闕碣

以峻峙貫雲氣而上征歷千載而特立顯妙觀於太清
薄邯鄲之叢臺陋楚國之章華邈宕堯以亢極豈岑樓
之能加至若宮觀宏敞增臺隱天伐文梓於萬仞發玉
石於三泉優唱角鳥鳥之聲蛾眉戲白雪之舞紛淫衍
以低仰翳修袖而容與 盧諶登鄴臺賦曰顯陽隗其
顛隧文昌鞠而爲墟銅雀隕於臺側洪鍾寢於兩除奚
帝王之靈宇爲狐兔之攸居 增唐鮑防問津臺賦曰
惟歲臨於甲午余經蔡以游陳見歸然之故臺沒路隅

之荒榛側聞夫子於此問津敢問夫子何負於人淒淒夫子魯不容身乃泣然而出涕聊托詞以自申已矣夫子時乎時乎進皆鳥獸之羣退異沮溺之徒霜雪昏其大澤荆棘穢其通衢撫川陸之嶮難憫人世之崎嶇

范榮測景臺賦曰大聖崇業萬象潛通據河洛之要創造化之功建以黃壤亘以紫宮左輔伊闕右連轅嵩銀臺比而可擬瀛壺方而詎同掩扶桑於日域包蓬萊於海濛式均霜露之氣以分天地之中於是仰玄穹之文

俯黃壤之理下壓坤德上羅乾緯垂形象物既不假於
銀衡司刻探玄何必邀夫銅史 又曰瞻彼古臺揆日
爰設載徵經始之旨將測運行之節天地之心可見風
雨之交既別玉律非先土圭是揭以徵陰陽之短長以
察浮驟之晷轍 又觀風臺賦曰我天子德廣虞夏業
傳高曾展義之心攸克觀風之禮必登故臺之用也斯
建臺之名也是弘然後度材比德奢而不盈興工俾役
儉而不陋萬物是集百工是湊從繩罔愆運斤以鬪欵

以山立揭焉雲構及夫西成罷務北陸將寒霜封原隰
雲蔽峯巒金輿斯御綵仗初攢寧侈心以攸徃必風俗
之所觀設教陳詩事必彰於禮備承天統物政本在於
人安 楊系通天臺賦曰伊昔炎漢功高化洪樂率土
之暨阜築通天而且崇初一簣之發地終百尋以隱空
構之榱桷飾以丹紅浮彩外鑠流光內融赫兮烜兮獨
出煙雲之表壯矣麗矣迴標天地之中柏梁不同井幹
非匹孝武皇帝紹祚卹肩登眺遠騁高揖八極俯窺萬

井拂軒楯之宛虹步簷楹之倒影乃言曰可以臨萬國
可以游九垓凡厥層構莫先斯臺窺地底以豁險阻天
門以崔嵬謂四夷不遐將拓跡以開統見百神咸在則
祈禱而禳災旣玉女之下視復金烏之上迴 張良器

集靈臺賦曰大造之德曰生大君之位曰寶未有離於
兆庶而復謂之至道願獻華封之壽上祝唐堯之盛殷
肱爲良元首作聖用壯辟雍之美乃經靈臺之政豈必
沐咸池陵倒景脫屣乎寓縣棲真乎絕嶺屆中天之峻

極從化人兮習靜然後居無何之鄉去有爲之境者也

於是情冥具

一作其

愆德貴惟恒可大可久不騫不崩動

植風靡雍熙日弘宜其四溟式晏而人和年豐 又烏

臺賦曰士有利於鴻漸者觀乎憲臺降太液邇蓬萊風

威四警霜氣傍催地疏曹而獨秀居對禁而分開提綱

必理舉職惟材門凌晨而豸出樹夕陽而烏來旌良表

正瘴惡繩回乍以飛騫淒其疑矣時爲搏擊吁可畏哉

唐績玉葉蓋臣惟哲法省應劉臺兼員薛昂涼階宇奮

迅霜雪耿獨坐而情雄邈羣司而位絕稠人廣衆望影
而魂褫暴黨姦雄睹形而膽折豈徒以聳動寮案逡巡
朝列儻吾道之將行庶從茲而振節 陸贄登春臺賦
曰春發生以煦物臺居高而處明俯而望焉舒郁郁之
和氣登而樂也暢怡怡之遠情觸類斯感衆芳俱榮風
出谷以天霽雲歸山而景晴俛視平臯傍臨遠嶠窮漢
苑以周覽匝秦城而迴眺林巒彩翠浮佳氣於遙天宮
觀參差麗飛甍於夕照 又傷望思臺賦曰當武帝之

季年德不勝而耄及浮誕之士壘至詭怪之巫繼集忠
見疑而莫售讒因隙而競入忘嗜欲之生疾意巫詛而
是因將搜蠱以滌灾縱庸瑣之姦臣嫌何微而莫別寃
雖毒而奚申構儲后以掛殃引具寮與齊人旋激怒而
誅充竟奔湖而滅身異哉漢后因奸邪之是誘俾冢嗣
而罹咎彼傷魂之冥冥故築臺其何有嗟爾戾嗣盍入
明以見志遽興戈而自棄諒君父之是叛雖竄身其焉
寘

張式燕昭王築黃金臺賦曰昔銅雀創於鄴都陽

臺起於荆國聳高麗之殊觀備珍奇而盡飭徒竭用而
殫人自矜豪而逞力洎夫遺情總帳徒愴淫心結夢巫
山空資穢德豈同夫慮成經始所寶惟賢初假物以求
士終得魚而忘筌不然者烏將棲於茂樹魚自躍以深
淵臣亦效誠於大國人誰遠仕於弱燕及夫劇辛不召
而至樂毅無媒而萃咸委質而納忠願長途而騁驥然
則賢爲強國之器臺實招賢之餌任公叔登姑蘇臺
賦曰吾聞周道旣衰諸侯狎主中無霸王蠻戎振旅始

闔閭以伸威終夫差以極武左與勁越同壤右與強楚
爲鄰內有高臺之築外有遠畧之勤積如莽而暴骨亦
如讐而視人是以疆場日駭板築未弭方五載而厥成
造中天而特起因土累以臺高宛岳立而山峙徘徊舊
德惆悵前聞試遊目於寥廓曾歸然而參雲聽逆虐而
翳諫竟廩鹿而爲羣高天放曠平湖泱泱奕奕孤嶼茫
茫極浦悲早雁於海風嘯寒鴟於江雨 張鼎銅雀臺
賦曰六府垂象制文昌之廣殿百工獻藝造銅雀之高

臺壯閭闔於昭回軼沆瀣於煙埃俯臨而漳滏水合仰
觀而宇宙天開返道截梁兮漫延紅移縞壁兮徘徊連
雙闕於日表飛累榭於雲隈萃如五岳干霄而岌立對
若三山出海而崔嵬金雀躋費而欲翥玉螭盤柱而將
迴名詞人於華屋留舞客於瑤杯登高必賦無遠不該
原銘後漢李尤雲臺銘曰周氏舊居惟漢襲因崇臺增
峻上擬蒼雲垂示億載俾率舊章人修其行而國其昌
增唐呂溫望思臺銘曰人倫大統天性是寶雖曰自

然亦資斧藻漢皇父子一失其道四海爲家不能相保
荒臺歸而千古之悲悔目空斷冤魂不歸疑生於微禍
積於基苟有明義誰其間之嗣維邦本本動邦危於乎
後王鑒茲在茲

增記宋蘇軾凌虛臺記曰物之興廢成毀不可得而知
也昔者荒草野田霜露之所蒙翳狐虺之所竄伏方是
時豈知有凌虛臺邪廢興成毀相尋於無窮則臺之復
爲荒草野田皆不可知嘗試與公登高而望其東則秦

穆之祈年索泉也其南則漢武之長楊五柞而其北則
隋之仁壽唐之九成也計其一時之盛宏傑詭麗堅固
而不可動者豈特百倍於臺而已哉然而數世之後欲
求其彷彿而破瓦頽垣無復存者旣已化爲禾黍荆榛
丘墟隴畝久矣而況於此臺歟 又超然臺記曰臺高
而安深而明夏涼而冬溫雨雪之朝風月之夕予未嘗
不在客未嘗不從擷園蔬取池魚釀酒淪脫粟而食之
曰樂哉游乎方是時予弟子由適在濟南聞而賦之且

名其臺曰超然以見予之無所往而不樂者蓋游於物之外也

壇一

增說文曰壇祭場也 尚書注曰築土曰壇除地曰墀

左傳曰鄭伯如楚舍不爲壇子產曰大適小則爲壇小適大苟舍而已焉用作壇 漢書曰甘泉泰畤紫壇

八觚宣通象八方 後漢書曰圓壇八陛方壇四陛

金史禮志曰大定七年建社稷壇於中都壇南栽栗以

表之 又曰明昌五年爲壇於景風門外東南歲以立春後丑日祀風師又爲壇於端禮門外西南以立夏後申日祀雨師是日祭雷師於位下 元史曰大德元年正月建五福太乙神壇時 又曰至元中田忠良請建太社於朝右建郊壇於國南 又曰至元中大司農請於立春後丑日祭風師於東北郊立夏後申日祭雷雨師於西南郊延祐五年乃即二郊定立壇壝之制 又曰先農之祀始自至元九年武宗至大三年從大司農

請建農蠶二壇

壇二

原管子曰桓公即壇而立甯戚鮑叔隰朋賓須無皆差肩而立莊子曰孔子遊乎淄帷之林休坐於杏壇之上弟子讀書孔子弦歌鼓琴奏曲未終有漁父者下船而來左手據膝右手持頤以聽曲終而招子貢子路二人俱對客指孔子曰彼何爲者子路曰魯之君子也增雜記曰孔子出東門過故杏壇曰茲臧文仲誓盟之

壇也睹物思人命琴而歌 原新序曰秦欲伐楚使往

觀楚王之寶器楚王聞之召昭奚恤問焉恤對曰此觀

吾國之得失而圖之寶器於賢臣夫珠玉玩好之物非

國之重寶也遂使恤發精兵三百人陳於西門之內爲

東面之壇一爲西面之壇一秦使者至恤曰貴客也請

就上位 增洞冥記曰東方朔得神馬一匹高九尺武

帝問朔是何獸也朔曰王母乘靈光之輦適東海王公

稅此馬於芝田臣之王公之壇因騎此馬繞日三匝入

漢關門猶未掩 帝王世紀曰雍初有五畝壇漢武獲

麟處 原徐靈期南岳記曰南岳山上有飛壇懸水激

石飛湍百仞即孫溫伯所喪身處也又有曲水壇水行
石上成溝瀆如世人臨河壇也三月三日時來逍遙

梁州記曰沔陽城先沔陽縣所治也在漢水南舊蕭何
所築也劉備爲漢王權住此城盟於城下今門外有盟
壇猶存 增金史禮志曰明昌六年章宗未有子尚書
省臣奏行高禘之祀乃築壇於景風門外東南端地與

圜丘東西相望歲以春分日記青帝伏羲氏女媧氏位壇上南面西上姜嫄簡狄位於壇之第二層東向北上前一日布神位省牲器陳御弓矢韞於上下神位之右其齋戒奠玉幣進熟皆如大祀儀 又曰金自天德以

後始有南北郊之制大定明昌其禮寢備南郊壇在豐宜門外圓壇三成成十二陛壇牆三匝四面各三門齋宮東北府庫在南壇壝皆以赤土坊之北郊方丘在通元門外方壇三成四正陞方壝三周四面亦三門朝日

壇曰大明在施仁門外之東南門壇之制皆同方丘夕
月壇曰夜明在彰義門外之西北掘地汙之爲壇其中
常以冬至日合配昊天上帝皇地祇於圜丘夏至日祭
皇地祇於方丘春分朝日秋分夕月 元史曰至元中
建社稷壇和義門內稷壇一如社壇之制惟土不用五
色壇皆北向社主用白石剡其上如鐘埋其半於土中
稷不用主樹以松於社稷二壇之南各一株 甘水仙
源錄曰至元二年真人張志敬就長春宮設金錄大醮

有羣鶴下掠壇墀去而復來者累日天子命詞臣作瑞
應記刻之碑 詞苑叢譚曰元東岳有石壇繞壇皆杏

花道士董宇定王用亨先後居之 長安客話曰東岳

廟南數百武即朝日壇壇外古松萬株森沈蔽日都人

所謂黑松林也 北京歲華記曰四月初一日戒壇開

城中人多往西山 野獲編曰京師最重午節天壇游

人極盛聯鑣飛鞚豪門大估之外則中官輩競以騎射

爲娛蓋皆賜沐請假而出者 瀟碧堂集曰戒壇入山

二十餘里始見山門壇在殿內閣前古松四株翠枝穿
結覆蓋一院永清縣志曰劉越石壇在拒馬河之陰
晉太尉劉琨欲圖燕薊築壇與段匹碑歃血同盟翼戴
王室今遺址尚存

壇三

增詩唐馬戴宿王屋天壇詩曰星斗半沈蒼翠色紅霞
遠照海濤分折松曉拂天壇雪投簡寒窺玉洞雲絕頂
醺迴人不見深林磬度鳥應聞未知誰與傳金籙獨向

仙祠拜老君 周朴王霸壇詩曰王君上昇處信首古

居前阜樹即須朽白龜亦應全雲間猶一日塵裏已千

年碧色壇如黛時人誰可仙 儲光義祭風伯壇應張

太祝作詩曰聖主御青春綸言命使臣將修風伯祀更

福太平身帝幕宵聯事壇場曉降神帝心矜動物不爲

屬車人 元黃庚鶴林仙壇詩曰古壇歸鶴杳野鹿自

成羣嵐氣浮清曉鐘聲出白雲樹穿僧屋老水到寺門

分人世無窮事山中了不聞 元好問遊天壇雜詩曰

芳樹陰陰鳥語譁綠雲晴雪映紅霞青山可是堪人恨
藏著中巖十里花 又曰漫山白白與紅紅小樹低叢
看不供總道查花香氣好就中偏愛玉瓏鬆 又曰溪
童相對采椿芽指似陽坡說種瓜思得近山營馬少青
林深處有人家 又曰湍聲洶洶落懸崖見說蛟龍擘
石開安得天瓢一翻倒躡雲平下看風雷 又曰仙壇
倒影鳳麟洲一道雲光插素秋也是天公閒不得海東
移著海西頭 明高啟毛公壇詩曰欲觀漢壇符東上

縹緲峯葛花墜寒露夕飲清心胸月出太湖水鶴鳴空
礪松真境久寂寥蒼苔閱靈蹤嘗聞綠毛叟變化猶神
龍世人豈能見偶許樵夫逢攀陰力易疲探元志難從
歸出白雲外空聞仙觀鐘

原銘周庾信登壇銘曰登壇洛汭沈玉河湄丹圖馭馬
練甲乘龜榮光上幕休氣連帷雖存堯讓終見文思
增記唐顏真卿麻姑仙壇記曰麻姑者葛稚川神仙傳
云王遠字方平欲東之括蒼山過吳蔡經家教其尸解

蟬蛻也經去十餘年忽還語家云七月七日王君當來
過到期日方平乘羽車駕六龍各異色旌旗導從威儀
赫奕如大將也既至坐須臾引見經父兄因遣人與麻
姑相聞亦莫知麻姑是何神也言方平敬報久不行民
間今來在此想麻姑能暫來有頃聞麻姑來來時不先
聞人馬聲既至從官當半於方平也麻姑既至蔡經亦
舉家見之是好女子年十八九許頂中作髻餘髮垂之
至腰其衣有文章而非錦繡光彩耀目不可名字皆世

間所無有也麻姑自言接待以來見東海三爲桑田向
聞蓬萊水乃淺於往者會時畧半也豈將復還爲陵陸
乎方平笑曰聖人言海中行復揚塵也麻姑手似鳥爪
蔡經心中念言背痒時得此爪以爬背乃佳也方平已
心知經所言即使人牽經鞭之曰麻姑神人汝何忽謂
其爪可以爬背邪見鞭著經背亦不見有人持鞭者方
平告經曰吾鞭不可妄得也

庭一

增說文曰庭宮中也 玉海曰堂下至門謂之庭 易

曰揚於王庭 毛詩曰灑掃庭內 又曰殖殖其庭

又曰子有庭內弗灑弗掃 又曰有瞽有瞽在周之庭

書曰廸簡在王庭 禮記曰諸侯之庭 論語曰鯉

趨而過庭 又曰孔子謂季氏八佾舞於庭 原左傳

曰初楚共王無冢適有寵子五人無適立焉既乃與巴

姬密埋壁於太室之庭 增管子曰湯有總街之庭

漢書曰黃帝接萬靈明庭明庭者甘泉也 又曰太初

元年上親禪高里祠后土臨渤海將以望祀蓬萊之屬

幾至殊庭焉作建章宮其西則商中數十里

師古曰殊庭蓬萊中

仙人庭也如淳曰商中商庭也

原羅含別傳曰含致仕還家庭中忽

自生蘭此德行幽感之應 增班固西都賦曰承明金

馬著作之庭 又曰玉除彤庭 晉書曰謝晦爲右衛

將軍賓客輻湊門巷填塞兄瞻曰此豈門戶之福乃以

籬隔門庭曰吾不忍見此 原語林曰謝太傅問諸子

姪曰子弟何豫人事正欲使其佳諸人莫有言車騎答

曰譬如芝蘭玉樹欲使其生庭階也 增鮑明遠詩曰
冠霞登綵閣解玉飲椒庭

庭二

原賦陳沈炯幽庭賦曰矧幽庭之間趣具春物之芳華
轉洞房而引景偃飛閣而藏霞築三川於戶牖帶林苑
於東家草纖纖而垂綠樹搔搔而落花於是秦人清歌
趙女鼓筑嗟光景之遲暮咏羣飛之棲宿顧留情於君
子豈含姿於嬌淑於是起而長謠曰故年花落今復新

新年一故成故人那得長繩繫落日年年月月但如春

庫藏一

原劉熙釋名曰庫舍也舍也者言物之所在之舍也

說文曰庫兵車所藏也帑金布所藏也故藏之爲名也
謂之庫藏焉 增周禮春官天府曰天府掌祖廟之守
藏與其禁令凡國之玉鎮大寶器藏焉若有大祭大喪
則出而陳之既事藏之凡官府鄉州及都鄙之治中受
而藏之以詔王察羣吏之治 原禮記曰季春之月審

五庫之量

審所用
多少也

蔡邕月令章句曰五庫者一曰車

庫二曰兵庫三曰祭器庫四曰樂庫五曰宴器庫 吳

越春秋曰凡安國治民從近制遠者必先實之 春秋

文曜鉤曰軫南衆星曰天庫 韓暘天文要集曰天積

者天子之藏府 韓詩外傳曰王者藏於天下諸侯藏

於百姓農夫藏於困庾商賈藏於篋匱 鍾會芻蕘論

曰國之稱富者在乎豐民非獨謂府庫盈倉廩實也且

府庫盈倉廩實非上天所降皆取之於民民困國虛矣

增元史僧格傳曰萬億庫有舊牌條七千餘條 輟
耕錄曰文宸庫在宮垣西 又曰內殿之傍有妃嬪庫
房門一間縫紉女庫房三間 又曰生料庫在學士院
南又南爲鞍轡庫又南爲軍器庫藏珍庫在宮垣西南
隅 禁扁曰本朝庫曰廣源寶源綺源賦源廣貯生料
財用輔用器備收支平盈壽武利器廣勝資乘內藏左
藏右藏御帶異珍資成資用法物儀從申興武功承天
宣惠廣樂福寧奉宸廣禧藏珍文成供需備用尚用豐

衍藝林資善永需 燕史曰內承運庫在東下馬門其
職掌庫藏在宮內者曰東裕庫曰寶藏庫皆謂之裏庫
南城磁器等庫則俱謂之外庫 光祿寺志曰光祿寺
大門內左爲茶葉庫月進房右爲錢鈔庫後有銀庫鹽
庫 張衡西京賦曰武庫禁兵設在蘭錡 潘岳詩曰
微火不戒延我寶庫

庫藏二

原左傳曰昭公十八年宋衛陳鄭皆火梓慎登大庭氏

之庫以望

杜預注大庭氏是古國名在魯城內於其處作庫

增列子曰范氏

之藏大火商丘開入火往還無難色埃不漫身不焦子

華之客乃謝之

商君書曰湯武破桀紂海內無患桀

五庫藏五兵

原漢書曰漢高祖七年蕭何立東闕前

殿武庫

增又曰枚乘諫吳王夫漢并二十四郡十七

諸侯轉輸錯出軍行數千里不絕於郊其珍怪不如東

山之府如淳曰吳王之府藏也

原東觀漢記曰更始

至長安御府帑藏武庫皆安堵如故

增王子年拾遺

記曰糜竺用陶朱公計術益億萬之利貨擬王家有寶庫千間 太平治迹統類曰宋太祖置封樁庫常密謂近臣曰石晉苟利於已割幽薊以賂契丹使一方之人獨限境外朕甚憫之欲俟斯庫所藏滿三五十萬即遣使於契丹約苟能歸我土地民庶即當盡此金帛充其贖直如曰不可朕將散滯財募勇士俾圖攻取耳會晏駕不果 五代史曰後唐明宗廢內藏庫四方所上物悉歸之有司 澄懷錄曰大德初廣源庫官售雜物有

靈壁小峯長僅六寸高半之玲瓏秀潤所謂卧沙水道展摺胡桃紋皆具於峯之頂有白石正圓瑩然如玉徽宗御題八小字於傍曰山高月小水落石出畧無雕琢之跡真奇物也 元史曰兵志樞密院臣言牆垣已成南北西三畔皆可置軍獨御酒庫西地窄不能容臣等與丞相完澤議之 英宗實錄曰正德三年遷甲乙丙丁等庫於內府四年以新造天財甲乙丙丁等庫成欲盤移庫藏命魏國公徐顯宗行在戶部右侍郎吳璽總

理其事

庫藏三

原寶臺 珠府

韓詩外傳曰晉平公藏寶之臺燒救火三日三夜乃止公子晏賀曰臣聞諸侯

藏於百姓今百姓藏於外而賦斂不已昔桀紂殘賊爲天下戮今皇天降災於藏臺是君之福也 韓揚天文

要集曰離珠五星在須

宴器

禁兵

上詳前一 漢書曰靈帝光

女北離珠爲藏府也

和中武庫屋自壞司隸許永上書曰

天潢

御府

春秋

武庫禁兵所在國之禁爲災深也

文曜鉤曰咸池曰天潢五帝車舍也宋均

聚甲

藏

注曰舍庫也五帝車之庫 下詳前一

金 焦贛易林曰武庫軍府甲兵所聚 非色非里不可以處 下詳前一 魚集屋上 龍

見井中

魏志曰嘉平中魚二集於武庫屋上晉書曰太康五年有二龍見於武庫井中

增

小吏守藏令史值曹

上即晉侯事見前唐故事諸司中以令史值曹剋脫爲奸及

闕播再遷侍中悉易

廡署

廊列

唐德宗始出幸奉天府藏委棄衛兵

以士人時趨其法

無褚衣至是天下貢稍至乃於行在夾廡於古無傳者老皆言開元時貴臣飾巧以求媚建言郡邑賦稅當委有司以制經用若貢獻悉歸天子私有之則淫蕩侈欲終以餌寇唐陸宣公贄奏議忽觀古廊之下榜列三庫之名竊揣軍情或生觖望矣

自供乘輿

請列別舍

上即母將隆事見後唐

裴延齡建言左藏天下歲貢不貲耗不可校請列別舍以檢盈虛於是以天下宿負八百萬緡爲負庫抽貫三百萬緡爲贖庫樣物三十萬緡爲季庫帛以素出以色入者爲月庫

官庫饒豐

厝藏

殫耗

唐劉文靜曰晉陽士健馬強官庫饒豐牛徽改給事留陳倉張濬伐太原引徽爲判官敕所在敦

遣徽太息曰王室方復廢藏殫耗當協和諸侯以爲藩屏而又濟之以兵諸侯離心必有後憂後濬果敗

藏兵

還玉

漢書曰立武庫以藏兵洞冥記曰元狩四年將夕有黃髮叟懷內探徑尺玉以授

帝帝以玉還寶

庫即龍玉也

矛戟在前

戎儲攸歸

又曰裴楷有知人之鑒目

鍾會云觀如武庫森森但見矛戟在前

曹毗魏都賦曰百藏之庫戎儲攸歸

劒如龍蛇

庫有雉雥

拾遺錄曰太上皇以寶劒賜高祖呂后藏於瑤庫守者見白氣從戶中出如龍蛇呂后更

此貯禁兵名曰靈金府晉書曰武庫封閉甚密忽有

雉雥張華曰此必蛇化爲雉視之果有蛇蛻也

收書籍

貯畫像

輟耕錄藝林庫專一

收貯書籍 燕史皇極之東則內承運庫再東曰香庫
稍北有石碑曰古今通集庫以貯古今君臣畫像符券
典籍歲六月
六日曝之

庫藏四

管齋附

原六府

周禮天子六府曰司土司木司水司草司
器司貨典司司六職注府謂主藏物之稅

五

庫

禮天子之
庫有五

輸實

子產曰其輸
之則君府實

充貢

周禮凡萬民
之貢以充府

庫

紂鹿臺

紂所積之府
庫曰鹿臺

魯長府

藏名

受九貢

周禮
內府

掌受九貢九賦九功之貨賄良兵良器
以待邦家之大用注謂朝覲頒賜也

供百物

外府
掌邦

布帛也藏曰泉行曰布小用謂賜也
布之出入以供百物而待邦之小用注

王府

大內

白

藏魏之藏名

充物積滯

不竭管子曰藏於不竭之府謂養桑麻育六畜也

水

衡無聚水衡錢注天子私藏

禁庫受藏周禮頒其貨於受藏之府

守藏晉侯

之豎頭須守藏者及其出竊藏以逃

環寶溢目窺山東之府則環寶溢目

餘錢朽

貫武帝初府庫餘財京師錢累百巨萬餘貫朽而不可校

司農供乘輿母將隆字君房

言大司農錢自供乘輿不以給供養供養勞賜一出少府蓋不以本藏給末用

有司出幣帛

月令季春命有司開府庫出幣帛聘名士

管籥謹守漢書謹守管籥

善閉老子曰善

閉者無闕鍵而不可開

索籥老子曰天地之間其猶索籥乎

局鑄莊子則必攝絨滕回

局鑄書金滕啟籥見書乃并是吉

修鍵月令孟冬戒門閭修鍵閉慎管籥

司門

周禮司門掌授鍵以啟閉國門

管庫

禮記晉趙文子舉管庫之士七十有餘家

北

門之管

杞子云鄭人使我掌其北門之管

天地之籥

見上

琅當

鐵鎖琅當

長鎖

增玉匙金籥

黃庭經玉匙金籥常完堅

牡籥

漢五行志牡籥注牡是出籥者

又曰牡所以下閉者以鐵爲之

自繫管籥

續世說曰漢吏部張允家貲萬計性各自繫管籥如

環珮聲後隨郭威入京師墜井而卒

外無關籥

魏傳嘏曰鄧颺外要名利內無關籥皆敗德也

納四金籥

唐史朱滔王武俊田悅李納僭王納四金籥於回紇曰四國啟閉出納惟命

不爲局籥

唐史元德秀陸渾佳山水居之不爲牆垣局籥無僕妾嗜酒陶然

自持管

籥

唐史徐岱爲給事中性吝至自持管籥

北門鎖鑰

國老閑談曰寇準鎮大名府北使曰

相公望重何不在中書公曰皇上
以朝廷無事北門鎖鑰非卿不可

魚簋

東坡詩曰魚
簋未收清夜

永魚簋者取魚不
瞋目守夜之義

庫藏五

原銘後漢李尤武庫銘曰搏噬爪牙鋒鉅之先毒螫芒
刺矛矢以存聖人垂象五兵以陳 晉摯虞武庫銘曰
有財無義惟家之殃無愛糞土以毀五常


御定淵鑑類函卷三百四十九

謹案第九頁前四行能守其業刊本其業訛業其
據史記改

第十頁後五行飛燕外傳刊本誤作趙飛燕傳今
改

第十頁後八行歸風送遠之曲刊本送訛道據飛
燕外傳改

第十三頁後一行得火齊指環刊本得訛納齊訛
舉據述征記改



總校官庶吉士臣張能照

校對官庶吉士臣陳墉

膳錄監生臣孔廣枚